



Ազգիւրի շաւիւած

Էդ յս է սեւնում Եաբաբը սի աճգամ կիրակի օրերը

№ 31 կիրակի 9 օգոստոսի

իւնիւրորդ տարի 1898





ԱՌՈՂՋԱՊՈՆԱԿԱՆ ԿՐԱԿԱՆՈՒԹԻՒՆ

Ժողովրդի թէ ներկայ և թէ ապագայ կեանքը կախաճ է նրա առողջական գրույթից: Եթէ ժողովուրդը Ֆիզիկապէս առողջ չէ, մեծ յոյսեր չէ կարելի գնել նրա մտաւոր ու բարոյական առաջադիմութեան վրայ: Տկար ժողովուրդը, եթէ մինչև անգամ շրջապատաւ լինի ամենասարտակից բարեկամներով, օրից օր կը փոքրանայ, կը թուլանայ և վերջի վերջոյ կանհասանայ երկրի վրայից: Որովհետև երբ մի առարկայ ի ներքուստ վտուած է, երբ մի երևոյթ ինքնիրան լուծուած է, ինչ կարող են անել նրա համար շրջապատող առարկաները, երևոյթները: Բայց որքան առաւել վտանգաւոր է այն ժողովրդի կեանքը, որին թշնամին գրօսիցն է փոքրացնում, իսկ ինքը ներսից: Իսկ մի առողջ, ամբողջապէս ժողովուրդ շատ անգամ դիմանում է պատմական փոթորիկներին և չընայելով իր կրած մեծամեծ դրկանքներին, կրկին լոյս աշխարհ է գալիս աւելի մեծ եռանդով: Եթէ ծառը առողջ է, եթէ նրա ջղերի մէջ չէ ցամաքել դեռ ասուածային թարմ հիւթը, ապա նա կրկին ու կրկին ծաղկում է, եթէ նոյն իսկ նրա բոլոր ճիւղերը կտրտէին: Փորձառու պարտիզպանները գիտեն, որ ճիւղերի կտրտելուց յետոյ առողջ ծառը աւելի էլ լաւ է բսնում, կարծես նորից ջահելանում է:

Եթէ այդքան կարևոր է առողջական գրույթիցը ժողովրդի կեանքի համար, ուրեմն մամուլը և գրականութիւնը պիտի առաջնակարգ նիւթ համարեն նրան և շարունակ գրադրեն նրանով: Մի ժամանակ այդ գիտակցութիւնը զարթնել էր մեր հասարակութեան մէջ, պահանջը պարզ էր ամենքի համար: Մինչև իսկ մասնաւոր ամսագիր հիմնւեց՝ «Առողջապահական Թերթ» անունով: Բայց մեր հասարակութիւնը չըկարողացաւ պահել այդ իրատ կարևոր հիմնարկութիւնը: Մեր ժողովրդի սուտութիւնն է՝ անտարբեր լինել դէպի իր գործօն ոյժերը, անուշազիր թողնել նրանց, և որպէս հետևանք այդ անուշադրութեան, զրկւել նրանցից և յետոյ... կոկորդիլոսի արտասուք թափել, թէ ինքը զուրկ է...

Ներկայումս կրկին սկսում է զարթնել մեր մամուլը: Մէկ-մէկ երևում են լուրջ յօդաւածներ, որոնք ձրգտում են գիտակցութիւն զարթնեցնել մեր ժողովրդի մէջ դէպի իր առողջական գրույթիցը: Յանկալի է որ այդ փորձերը թուով շատանային և որակութեամբ

գորեղանային: «Տարագ» շաբաթաթերթը, որպէս հայ ընտանիքի օրգանը, աւելի էլ մեծ պարտաւորութիւն ունի այդ ուղղութեամբ նիւթեր տալու: Ուստի աւելորդ չենք համարում մի ամփոփ բացատրութիւն տալ մեր աշխատակիցներին ու ընթերցողներին, թէ իսկապէս ինչու՞մ է կայանում առողջապահութեան հարցը:

Մարդիկ տկարանում են, հիւանդանում են զանազան պատճառներից. եղանակի վատ ազդեցութիւնից, մթնոլորտի մէջ կեանք ունեցող բազմատեսակ թունաւոր բացիւններից, ֆիզիկական ոյժերի անկանոն դործադրութիւնից և այլն: Տկար կամ հիւանդ մարդը նորից ձգտում է վերականգնել իր գրույթիւնը և ոյժերը: Ինքը բնութիւնը օգնում է մարմնին իր առողջութիւնը վերականգնելու: Մարմնին ունի դիմադրութեան ոյժ, թարմացնող բնաւորութիւն, այնպէս որ նա ինքն իրան՝ առողջացնում է, ինքն իրան բժշկում է, որպէս ծովը թարմացնում է ինքն իրան, ավեր նետելով բոլոր վտաճութիւնները, դիակները... Զատ և շատ հիւանդութիւններ անցնում են առանց որևէ բժշկական օգնութեան և շատ լաւ են անցնում: Այստեղ աւելորդ չենք համարում պատմել ընթերցողին մի վերին աստիճանի ուշադրութեան արժանի նորութիւն: Ամենքը ծանօթ են սենդ կոչւած հիւանդութեան (ջերմութեան), որ առաջանում է ինչոր ճահճային թոյնից, որ մտնելով արեան մէջ, մի տեսակ մրսեցնող ազդեցութիւն է անում մարմնի վրայ: Մինչև այժմ այդ հիւանդութեան դէմ բժիշկները ուրիշ բան չըզլտէին, բայց թէ խի՞նի խմացնել հիւանդին, խիննի ազդեցութիւնից իսկապէս տենդը անյայտնում էր, միայն թէ ժամանակաւոր: Հէնց որ խիննի ազդեցութիւնը թուլանում է, հիւանդութիւնը կրկին նորոգում է, եթէ նա չէ անցել նպաստաւոր ազդեցութիւններից (պարզ օդից, լաւ սննդից)... Այժմ պրոֆեսոր Կոխ այն գիւճն է արել, որ խիննիով բժշկւած հիւանդները միշտ պահում են կրկին հիւանդանալու տրամադրութիւնը, իսկ այն հիւանդները, որոնք ոչինչ զեղ չեն ընդունում, այլ թողնում են «Աստուծոյ կամքին», բժշկում են վերջնական կերպով, այսինքն նրանց մարմինը առ միշտ ապահովւած է լինում տենդով հիւանդանալու վտանգից: Այժմ Թիֆլիսի բժիշկներից մէկը, զսկտոր Մաստովիչ, Кавказ լրագրի մէջ ապացուցանում է, որ յիշեալ գիւտը ոչ թէ պրոֆեսոր Կոխին, այլ իրան է պատկանում, քանի որ ինքը տասնեակ տարիներ սուաջ նկատել է այդ երևոյթը և զեկուցում է տւել կառավարու-

Թեան: Իսկ մենք պնդում ենք, որ այդ զիւար ոչ կոխին է պատկանում և ոչ Մոստովիչին, այլ մեր Հին պառաւանքը միշտ բողոքել են և բողոքում են խիննիի գործածութեան դէմ, ասելով թէ տենդը ինքն իրան կանցնի: Յաւալի է, ճշմարիտ... Տառնակ տարիների ընթացքում թունաւորել մարդկանց արիւնը, քայքայել նրանց նեարդերը զանազան դեղատոմսերով, ողորմելի արհեստաւորի կոպէկները լցնել դեղագործների փորը, ապա «գիւտ անել», թէ հիւանդութիւնը ինքն իրան աւելի լաւ կանցնէր...

Բայց խնդրից չըհեռանանք: Չընայելով անխուսափելի սխալներին, մենք ընդունում ենք բժշկականութեան նշանակութիւնը: Բժշկականութիւնը անպայման օգտակար դրական գիտութիւն է, որ մանաւանդ ապագայում մեծ նշանակութիւն պիտի ունենայ: Բայց և այնպէս Հարկաւոր ենք Համարում շեշտել, որ բժշկական գիտութիւնից (մեդիցին) շատ աւելի կարեւոր է առողջապահական գիտութիւնը (հիգիէն): Բժշկականութիւնը սովորացնում է, թէ ինչպէս բժշկել արդէն հիւանդացած մարդին, իսկ առողջապահութիւնը ցոյց է տալիս, թէ ինչպէս պէտք է կեանք վարել, որպէս զի չըհիւանդանայ: Ի Հարկէ ամեն մարդ Հասկանում է, որ աւելի լաւ է չըհիւանդանայ, քան թէ հիւանդանալ ու բժշկել: Ուստի և աւելի մեծ նշանակութիւն ունի առողջապահութիւնը, որի մասին մի քանի ամփոփ նկատողութիւններ կանենք Հետեւեալ անգամ:

Ն Ա Գ Ս Ը Ն Ի Յ

Ո՛հ, եթէ այնտեղ՝ գերեզմանից դէն, Կայ մի աշխարհ գեղ և երանաւէտ, Ուր քնած է չարիքը նախանձագէմ, Ուր Հանդստութիւնը տիրում է յաւէտ, Ուր խելքը՝ չի յուզում կասկածանք, Ուր կուրծքը չի մաշում կռիւր յամառ, Ո՛վ Արարիչ, լըսիր իմ աղերսանք... Եւ իմ թշուառիս Հոգին ան:

Ի՛նչ զըզելի է այս փուջ աշխարհը Իրա շինծու փայտղ կեղծիքով, Այտեղ եղբորը՝ Հարազատ եղբայրը Պատրաստ է սպանել իր ձեռքերով: Այտեղ մեռած է վեհ բանկումն Սիրոյ, ճշմարտի և ազատութեան, Այտեղ փողի աստուածն անկշտում Բարձրացըրել է իրա սեղան:

Այլ ձգտումներով է լի իմ Հոգին. Նա սիրոյ, խաղաղութեան կարօտն է քաշում. Բայց կռիւր և կասկածի թոյնը դառնագին Նրան անխնայ Հալում են, մաշում: Նա իզուր է, իզուր աղերսում լոյս, Դառն, այրող ու Համր վըշտով, Կէս գիշերը անարշալոյս, Տիրում է երկրին իր բոլոր ուժով:

Մարդկային ազգի ողորմելի որդին Արեան ու խաւարի մէջ խեղդելով, Կորուս'ալ արքայութեան դռնին Նայում է ծաղրով ու պարսաւելով: Եւ նրանց՝ որոնց սրբազան ձըգտումը Կանչում է դէպի վեհ դեղեցկութիւն, Ճակտին դնում է արտաքսման դրոշմը Եւ բարձրացնում անարգական սիւն:

Աւուհի Գուկասեանց

Լ ՈՒ Կ Ր Է Յ Ի Ա Բ Ո Ր Ջ Ի Ա *

Ողբերգութիւն երեք արարածով

Վ Ի Կ Տ Ո Ր Հ Ի Դ Գ Օ Ի Դ

արարած երկրորդ

Ջ Ո Յ Գ

Մ Ա Ս Ն Ա Ռ Ա Ջ Ի Ն

Դահլիճ Ֆէրրարայի դքսական պալատում: Պատերը պատանած ոսկեգոյն շրջանակներով: XV դարու գեղեցիկ կահ կարասիք իտալական ճաշակով: Դքսական բազկաթոռը պատած է կարմիր թաւիշով, վրան Էստէի տոհմագրոշմը կարւած: Մի կողքին սեղան, սփռած կարմիր թաւիշով: Բեմի խորքում մի մեծ դուռը: Աջ կողմը մի փոքր դուռ: Ձախ կողմը մի ուրիշ փոքր դուռ, միայն վարագուրած: Վարագուրած դուռն ետեւից երևում է դէպի առաստաղը տանող մի ողորածոյ սանդուղք, լուսաւորւած երկար ու նեղ վանդակապատ լուսամուտով:


ՏԵՍԵՐԸ ԱՌԱՋԻՆ

Ալֆոնս դ'Էսկ, շէշ հաֆնած: Բուսիգէլլօ, հաֆնած է միւսնայն փոյներով, Բայց աւելի համեայ:

Բուսիգէլլօ: Չերդ մեծութիւն, Հրամաններդ կատարւած են: Իլ ի՛նչ ունէք Հրամայելու:

Ալֆոնս: Վերցրու այս բանալին և գնա՛ Նումայի սրահը: Այնտեղ Համարի՛ր պատկերների բոլոր քանդակագործ շրջանակները, սկսած իմ նախահայրերից մէկի՝ Իւպիտէրի որդի Հերքուլէսից: Մտնե՛

*) Տես Տարագ № 30.



Գ ա զ ա ճ ա ճ ո ճ ո լ մ

նախով քսան և երեքերորդ շրջանակին՝ դու կրնկատես մի փոքր անցք ոսկեգոծ առիւծի բերանում թաղւած: Դիր այս բանալին այն անցքի մէջ, շրջանակը կըբացւի դռան նման: Այդ բացւած դարձանի պահարանի մէջ դու կըտեսնես ապակեայ ափսէի վրայ դրած երկու աման՝ մէկը արծաթեայ, իսկ միւսը ոսկէ: Արծաթեայ ամանի մէջ մաքուր ջուր է, իսկ ոսկեայ ամանինը պատրաստուած զինի: Զգուշութեամբ կըտանես այն ափսէն Հարւան առանձնատենակը և եթէ դու լսել ես Բորջիայի Հոչակաւոր թոյնի մասին, որ փոշի եղած ժամանակ սպիտակ է և փայլուն ինչպէս՝ Կարրարեան մարմարիոնի թոյնը, իսկ խառնուած լինելով, Բոմորանտէնի գինին դարձնում է Սիրակուղեան, ի Հարկէ դու չես մօտենայ ոսկեայ ամանին:

Բուսիգէլլօ: Լսում եմ, ձերդ մեծութիւն:

Ալեոնս: Յետոյ դու վերցրու քո ամուր սրերից մէկը և կանգնիր առանձնատենակում այնպէս, որ դու կարողանաս լսել այն բոլորը, ինչ որ այստեղ կըպատահի և ներս մտիր առաջին իսկ նշան տւած ժամանակս, որ ես կըյայտնեմ այս զանգակով: Եթէ ես կանչեմ միայն «*Բուսիգէլլօ*», դու ներս կըմտնես ափսէով, իսկ եթէ զանգակարեմ, ներս կըմտնես սուրը ձեռքիդ...

Բուսիգէլլօ: Հասկանում եմ, ձերդ մեծութիւն:

Ալեոնս: Զրմուանաս, որ մերկացած սրով լինես:

Բուսիգէլլօ: Բոլորը իսկութեամբ կըկատարեմ:

Ալեոնս: Վերցրու յամենայն դէպս երկու սուր:

Մէկը կարող է կոտրելի... Գնա: (Բուսիգէլլօն դուրս է գնում փոքր դռանից):

Ծառայ (նէրս հանելով հիշին դռանից): Նորին մեծութիւն դքսուհին ցանկանում է խօսել ձերդ գերագանցութեան հետ:

Ալեոնս: Խնդրիր:

ՏԵՍՍՄԱՆ ԵՐԿՐՈՒՄ

Ալեոնս և Լուկրեցիա:

Լուկրեցիա (նէրս հանելով բարեկամ): Պղծութիւն է, անազնութիւն է, վերջապէս յրբութիւն է սա: Գիտէք, Ալֆոնս, որ ձեր Հպատակներից մէկը Համարձակել է պալատի ճակատին կախած իմ տոհմադրոշմի առաջին տառը պսկիկ: Այդ յանդընութիւնը կատարել է օրը ցերեկով. Հրս.պարակաւ և դեռ ևս չըրիտեմ, թէ ով է նա, որ Համարձակել է ինձ վերաւորել... ինձ վրայ այժմ ծիծաղում է Ֆէրրարայի ամբողջ բնակչութիւնը: Սմբողջ Իտալիայի այդ ցածհողի ժողովուրդը, խռնելով պալատի առաջ հեղնութեամբ ծիծաղում է: Գուք ի Հար-

կէ Հասկանում էք, Ալֆոնս, որ այդ տեսակ վիրաւորանքները ինձ դարձութիւն չեն կարող պատճառել և որ ես կըՀամաձայնելի աւելի շուտ մէկ անգամ մեռնել սրի Հարածից, քան թէ տանել Հաղար կծու ծաղր և զանազան յիմար Հանաքներ: Ներեցէք ինձ, բայց ես Համարձակ կ'ատեմ ձեզ, որ ինձ հետ շատ օտարոտի և վատ են վարում ձեր կալածքներում: Վերջապէս ինձ այս բանը ձանձրացնում է, ես էլ չեմ կարող տանել այս խայտառակութիւնը, այն ինչ դուք, իմանալով այս բոլորը, անտարբեր էք մնում և երբէք չէք փոխում ձեր Հանգիստ զիրքը մինչև անգամ այն ժամանակ էլ, երբ ամբողջ քաղաքը ծաղրում է ձեր կնոջը: Ես պահանջում եմ ձեզանից լիակատար բաւականութիւն, լսում էք: Պատրաստեցէք դատարար լինելու այս գործում: Այստեղ խօ մի Հասարակ պատահականութիւն չէ: Կարելի է դուք կարծում էք, որ ես ոչ մէկի յարգանքին արժանի չեմ և իմ ամուսինը կարիք էլ չունի ինձ պաշտպանելու: Ընդհակառակը, ձերդ մեծութիւն: Ով ամուսնանում է, նա Հովանաւորում է և ես էլ յոյս դրա վրայ ունիմ: Այստեղ ինձ ամենայն օր նոր-նոր վիրաւորանքներ են Հասցնում, այն ինչ ես երբէք չեմ նկատել, որ դուք դրանից նեղանաք: Միթէ այն ցեխը, որ ինձ վրայ են արձակում, չէ կեղտոտում և ձեզ... Ի սէր Աստուծոյ, բարկացէք զոնէ մէկ անգամ ձեր կեանքում ինձ պաշտպանելու Համար: Գուք ինձ յաճախ ասում էք, որ սիրահարւած էք ինձ վրայ: Եղէք զոնէ իմ պատուոյ պաշտպանը: Գուք յաճախ ինձ էք նախանձում: Նախանձեցէք զոնէ իմ անւանս Համար էլ: Եթէ ես իմ բերած օժիտով կրկնապատկել եմ ձեր ժառանգական կալածքները, եթէ ես իմ ամուսնութեամբ բերել եմ ձեզ ոչ միայն ոսկէ վարդ և նորին սրբութեան պապի օրհնութիւնը, այլ աւելի էական բաներ, ինչպէս՝ օրինակ Սիէնա, Բիմինի, Սէչենա, Սպոլետո և Պիոմբինօ, որոնց քաղաքների թիւը աւելի շատ է, քան թէ ձեր պալատները և զքսական կարածները աւելի են քան թէ բարոնութիւնները: Եթէ դուք իմ շնորհիւ դարձել էք Իտալիայի ամենահզօր թագաւորը, այդ բոլորը դեռ չէ ապիտ մեզ իրաւունք թոյլ տալու ժողովրդին ծիծաղել վրաս և վերաւորել ինձ, թոյլ տալ ամբողջ Ֆէրրարային մատնացոյց անելու ձեր կնոջ վրայ, որին արհամարհում են ամենքը և աւելի ցածր պատում ձեր ձիապանների աղջիկներից անգամ... Ես պահանջում եմ, որպէս զի այսօրուայ յանցանքը բացւէր և խիտտ պատժի ենթարկւէր մեղաւորը, Հակառակ դէպքում ես կըբողոքեմ նորին սրբութեանը,

ըրբորքեմ վարէնտիւնի դքսին, որ այժմ գտնուում է Երվէում տասն և Հինգ հազար զօրքով: Մտածե-
 ք, արժէ արդեօք այժմ նեղութիւն կրել բազկա-
 թոից վեր կենալու թէ ոչ:

Ալճոնս: Ձերդ մեծութիւն, այն յանցանքը,
 որի մասին դուք ինձ այժմ պատմեցիք, ինձ յայտ-
 արեցի:

Լուկրէցիա: Ինչպէս: Յանցանքը յայտնի է,
 սակ յանցաւորը դեռ չէ բռնւած:

Ալճոնս: Յանցաւորը բռնւած է:

Լուկրէցիա: Փառք Աստուծոյ: Եթէ նա բռնը-
 ւած է, ինչու մինչև այժմ չէ բանտարկւած:

Ալճոնս: Նա բանտարկւած է:

Լուկրէցիա: Բայց երևի դեռ չէ պատժուած:

Ալճոնս: Ժամանակ շատ կայ: Ես նախապէս
 ուզում էի ձեզ հետ խորհրդակցել պատժի մասին:

Լուկրէցիա: Չատ գեղեցիկ: Իսկ ո՞ւր է նա:

Ալճոնս: Այստեղ է:

Լուկրէցիա: Ա՛, այստեղ է: Լ՛աւ: Պէտք է
 արինակ ցոյց տալ, ձերդ մեծութիւն: Այստեղ նորին
 մեծութեան վիրաւորանք է: Այս տեսակ յանցագործ-
 անքը գլխատուում են և ձեռքերն էլ կտրուում... Ա՛,
 ուրեմն նա այստեղ է: Ես ուզում եմ նրան տեսնել...
 Ալճոնս: Ի՞նչ շատ հեշտ է. (Կոնչում է) Բա-
 տիստա, (ներս է մտնում ներսէն):

Լուկրէցիա: Բայց նախ քան ձերբակալւածին
 ներս բերելը, թո՛ղ տւէք ինձ զարձեալ մի խօսք
 տան: Ով որ կուզէ լինել ինձ վիրաւորողը, այստեղա-
 յի կամ ձեր բարեկամ, տւէք ինձ, Ալֆոնս, թաղա-
 ւորական խօսք, որ նա այստեղից կենդանի չի
 դուրս գնալ:

Ալճոնս: Խօսք եմ տալիս... Ազնիւ խօսք եմ
 տալիս ձեզ, Լուկրէցիա:

Լուկրէցիա: Չնորհակալ եմ: Այժմ թող ներս
 բերեն, ես ինքս հարցու փորձ կ'անեմ նրան... Ըստ-
 ւած իմ, արդեօք ինչ վատութիւն եմ արել ես
 մարդկանց: Ի՞նչու ինձ այսպէս անխնայ հալա-
 ծում են:

Ալճոնս (ներսէն): Բեր յանցաւորին այստեղ:
 (Իրանը բացում է: Ներս է մտնում Ջէննարօն,
 անկէն զինուորներէ ուղեկցուելեամբ: Այդ իսկ բազմին երե-
 ւում է Բոստիգէլըն, որ գնում է սանդուղով, գէպի
 յի, գրեթէ անարած գոտին երև: Նա ստանում է արեւն,
 որի վրայ դրած են երկու ման, մէկը սակեայ, իսկ մի-
 ւը արժաւեայ և երկու բաժակ: Նա արեւն արում է շա-
 ւանդի վրայ, մերթսոյնում է սուրը և կանգնում է դը-
 րան երև):

ՏԵՍԱՐԱՆ ԵՐԲՈՐԴ

Նրակ և Ջէննարօ

Լուկրէցիա (Տի կողմը): Ջէննարօ:
 Ալճոնս (Տոբէնուլը նրան ժպտալ երեւն): Մի՞թէ
 դուք սրան ճանաչում էք:

Լուկրէցիա (Տի կողմը): Սա Ջէննարօն է: Որ-
 պիսի սարսափելի դիպւած: (Լուկրէցիան վշտացած նու-
 յում է նրա վրայ: Ջէննարօն գէջը գարշում է):

Ջէննարօ: Ձերդ մեծութիւն, ես իբրև մի հա-
 մետ սպայ, թող եմ տալիս ինձ զառնալ դէպի ձեզ
 մի այս տեսակ հարցով: Այս առաւօտ դուք հրամա-
 յել էիք բռնել տալ ինձ հէնց նոյն իսկ իմ բնակա-
 րանում: Ի՞նչ գործ ունի ձերդ մեծութիւնն ինձ հետ:

Ալճոնս: Պարոն կապիտան, այս առաւօտ այն
 տան առաջ, ուր դուք բնակուում էք, պատահել է
 մի աչքի ընկնող անցք: Իմ սիրելի ամուսին գոնա
 Լուկրէցիա Բորջիայի անունը լրբաբար այլանդակ-
 ւած է մեր դքսական պալատի առաջ: Մենք որո-
 նում ենք մեղաւորին:

Լուկրէցիա: Սա նա չէ: Սխալ է, Ալֆոնս:
 Բոլորովին այս երիտասարդը չէ:

Ալճոնս: Ո՞րտեղից գիտէք դուք:

Լուկրէցիա: Ես հաւատացած եմ: Այս սպան
 վենետիկցի է, ոչ թէ ձեր հպատակ:

Ալճոնս: Ի՞նչ անենք:

Լուկրէցիա: Անցքը պատահել է այս առաւօտ,
 իսկ ես գիտեմ, որ ամբողջ առաւօտը նա անցրել է
 իր ժամանակը օրիորդ Փիամէտտայի մօտ:

Ջէննարօ: Սխալ է:

Ալճոնս: Ձերդ մեծութեանը բոլորովին սխալ
 տեղեկութիւններ են հաղորդել, թո՛ղ տւէք սրան ես
 հարց ու փորձ անեմ... Կապիտան Ջէննարօ, ար-
 դեօք դո՞ւք էք այն յանցագործը:


Լուկրէցիա: Ո՛հ, որքան ծանր է այստեղ օ-
 ղը... ինձ օգ է հարկաւոր, օգ... (Տոբէնուլ է շա-
 մախն և անցնելով Ջէննարօի Տոբից, ստան է նրան զած
 չափով, բայց շոտ): Ասա՛, որ դու չես:

Ալճոնս (Տի կողմը): Սա նրան ինչ որ ասաց:

Ջէննարօ: Ձերդ մեծութիւն, Կալաբրիայի ճրկ-
 նորսները, որոնք ինձ դատարարակել են և փոքր
 ժամանակ լողացրել ծովի մէջ կազմւածքս աւելի
 կազդուրելու համար, ինձ մի այսպիսի կանոն են
 տւել, որ կատարելով, չաճախ կեանքով պատասխա-
 նատու կարող եմ լինել, բայց միշտ պատիւը կրպա-
 հես: Նրանք ասում էին. «Վարէիր այնպէս, ինչպէս
 ասում ես, ասա՛ այն, ինչ որ անում ես»: Ձերդ մե-



Աղբիւրի մօտ



Նաւաբեկուրթիւն հեռաւոր աբեւելֆում

ծուլութիւն, ես Հէնց նա եմ, որին գուք սրտնում էք:
Ալճոնս (*բասնալու Լուկրէցիային*): Ես կրկատարեմ տւած խօսքս:

Լուկրէցիա: Ես ձեզ մի առանձին խօսք ունիմ ասելու:

(*Գրաւոր նշան է ասելու, որպէս զի ներքինը եւ զինքնը յանցարի հետ ճիտօրէն հեռանան*):

(Կրօնականի)

Տանջելիւ, իմ սիրտ. կեանքն է կոռի—
ինչո՞ւ այդպէս թուլացար!...

Մի՞թէ միշտ քեզ երջանկութիւն

Մեր աշխարհը պիտ ժպտար՞...

Թէն չըկայ ոգետորիչ

Ազնիւ սիրով մի ընկեր,

Թէն քախտի անգութ հարած

Խեղդեց քո մէջ սուրբ ըղձեր.

Միշտ տանջելով մխիթարիլի

Ի գուր է քո հառաչանք—

Խաղաղ ժամեր մի՛ փափագիւ,

Անվախ սիրիլ դու տանջանք...
Բար—Թէոս

«Ջ Ր Ա Ս Ո Յ Չ Չ Ա Ն Ի Ը»

Իրանս—գրոյց 5 գործ.

Ֆեդիկալուփիւն Ֆերբարտ հաուպտմանի

(Gerbart Hauptmann, Die versunkene Glocke.
Ein deutsches Märchendrama)

Ձատ քիչ է պատահում, որ մենք
գտնենք ճշմարտութիւնը առանց
ճայրայեղութիւնների մէջ ընկ-
նելու: Նախ քան հանգստացնող
գիտակցութեան գողտրիկ նպա-
տակին հասնելը, պէտք է մինչև
յատակը ճաշակել ամբողջ մարտու-
թիւնը: Երկր

Այդպէս է կոչուում Հաուպտմանի վերջին
գրաման, որ այնքան աղմուկ է հանել գերմանական
մամուլի մէջ և որ այս սարի մեծ հետաքրքրու-
թեան նիւթ դարձաւ նաև Պետերբուրգում:

Հերշարտ Հաուպտման թէև շատ ժամանակ չէ,
որ յայտնել է գրական ասպարէզում, բայց և այնպէս
այժմ նա՝ եթէ ոչ առաջին, գոնէ առաջնակարգ
տեղ է բռնում ներկայիս գրամատուրգների շարքում:
Բեղմնաւոր դեղարեւոտական տաղանդ, մանրակրկիտ
հոգեբանական վերլուծութիւն, խորիմաստ այլերո-
րիա, բազմակողմանի ծանօթութիւն կեանքի մասին,
անգուզական շնորհք հասարակական կեանքի գանա-
գան երևոյթները ճշգրիտ և վառ գոյներով պատկե-

րացնելու—ահա աննման յատկութիւնները, որ այդ
երիտասարդ գրամատուրգին այսպիսի հռչակ են
պարզաբեր: Չատ ու շատ անդամ նրան համեմատել
են Գեոտէի Հետ: Այդ համեմատութիւնը շատ արդա-
րացի ու հիմնաւոր է մանաւանդ «Ջրատոյգ զանգի»
վերաբերմամբ:

Այդ գրամայի սիւժէն է կազմում Հանիային
լեռների մասին գայլութիւն ունեցող գերմանական
աւանգուլթիւնը, որ ասում է, թէ այնտեղ, ուր այժմ
գտնուում է լիճ, մի ժամանակ կար բնակութիւն,
կար մի փոքրիկ գիւղ. բայց Ասուած պատժեց գիւ-
ղացիներին իրանց մեղքերի համար և մի գեղեցիկ
օր հեղեղեց այդ գիւղը:

Պայծառ օրերին, շարունակում է աւանգու-
լթիւնը, կարելի է տեսնել, թէ ինչպէս ջուրը անդ-
րագործնում է այդ գիւղի տները, աշտարակները և
գանդակատները և այդ ժամանակ մերթ ընդ մերթ
լոււում է այդտեղից գանդակների ղողանջիւն:

Հեղինակը այդ աւանգուլթիւնը ընդլայնել, փո-
խաբերել է հետևեալ ձևով.

Չանգակագործ Հենրիխը ուզում է շինել մի
այնպիսի գանդ, որ ջուներնայ ոչ մի թերութիւն, որ
հնչէ մաքուր և նուրբ ձայնով: Նա մտադիր է այդ
գանդը բարձրացնել լեռների վրայ, որպէսզի նա
դալայլէ իր ղողանջիւնը, տարածէ իր անուշիկ
ձայնը ամեն կողմ և թափանցէ մարդկանց սրտե-
րը, զարթեցնէ այնտեղ եղբայրական սէր:

Առաջին գործողութիւնը տեղի է ունենում ան-
տառում, վիտիխա անունով կախարհի իրճիթի մօտ:
Սը կողմում կայ մի ջրհոր, որ ջրային սգու բնակա-
վայրն է կազմում. հեռում պսպղում է լիճը:

Անտառային ողին պատմում է ջրային ոգուն,
թէ ինչպէս Հենրիխի պատրաստած փառասոր գան-
գը բարձրացնում էին դէպի լեռների գագաթը, թէ
ինչպէս նա (անտառային ոգին) գարան էր մտել ճանա-
պարհի ամենանեղ տեղում, թէ ինչպէս նա ցած
գլորեց սալը գանդով և թէ վերջապէս ինչպէս
գանդը ահեղ գոռիւն-գոչիւնով սլանում էր դէպի ան-
դունդը—լիճը:

Կարծես, իբրև ապացոյց այդ խօսքերի, բեմ է
գուր. գալիս Հենրիխը՝ ուժասպառ եղած, վշտից
ջախջախած: Նա թուլանում—ընկնում է նստարա-
նի վրայ և ուշաթափ է լինում: Նրան նկատում է
Բաուտենդէլէյն Ֆէլմն, որ առաջին անգամն է մարդ
տեսնում:

Պատորը, գիւղի ուսուցիչը և սափրիչը երկար
որսնումներից լետոյ դառնում են Հենրիխին անշունչ
դրուլթեան մէջ և պատգարակով տուն են տանում:

Երկրորդ գործողութիւնը տեղի է ունենում Հեն-
րիխի տանը: Մագդան, իր ամուսնուն անշնչացած
դրուլթեան մէջ տեսնելով, մոլորում, յուսահատում
է: Բայց ահա Հենրիխը ջուր խնդրեց. նա սկսեց
խօսել կնոջ հետ և յայտնեց, որ թէև իր գանդը
կատարեալ էր և առանց մի որ և է թերութեան,
թէև նրա ձայնը մաքուր էր և նուրբ, բայց այնու-
ամենայնիւ այդ գանդը, ինչպէս այժմ ինքը գրում

է, պէտք կըգար հովտի և ոչ լեռների համար...
 Նա կարծում է, որ ինքն անընդունակ է այդ գործի համար. և այդ պատճառով նա աւելի լաւ է համարում մեռնել: Այդ հակիրճ դրոյցից յետոյ նա նորից կորցնում է իր գիտակցութիւնը:

Պատտորը Մագգային խորհուրդ է տալիս ճէֆիմ հրաւիրել: Այդ ժամանակ ներս է մտնում Բաուտենդէլէյ Ֆէան գեղջկուհու կերպարանքով: Նա կողովի միջից հանում է դանադան խոտեր, ձգում է ջրով լի կաթասլի մէջ, որ գլուած է ածուխի վրայ՝ օջախում և զանազան կախարդական աղօթքներ է կարդում. այդ բոլորի նպատակն է՝ Հենրիխին ուշքի բերելը: Անցնում է մի քանի վայրկեան. Հենրիխը բաց է անում աչքերը և զարմանում է իր մօտ տեսնելով անձանթ գեղջկուհուն: Նա սկզբում նրան տեսիլ է համարում, բայց երբ Բաուտենդէլէյն հակառակն է պնդում, նա համոզում է, որ այդ աղջիկը մարմնացած էակ է:

Բաուտենդէլէյի մեղմիկ համբոյրը նորից վառում է Հենրիխի դէմքը կենսունակութեամբ, նրա արիւնը առաջւայ նման արագ սահել է սկսում, նորից վերադառնում է նրա եռանդը, որ պահանջում է անվերջ աշխատանք, անդուլ գործունէութիւն:

Նա նոր կեանք, նոր ոգի ստացած մօտենում է պատուհանին և բացում: Արևի գեղածիծաղ ճառագայթները լուսաւորել են երկիրը և կարծես մըմընջում են լուելեայն «ապրիլ և գործիր»...

Բայց ահա վերադառնում է Մագգան: Հենրիխը ընկնում է նրա գիրկը, բացականչելով.

— «Մագգան, Մագգան, ես նորից ապրում եմ. նորից ապրել եմ ուզում»:

Երրորդ և չորրորդ գործողութիւնները տեղի են ունենում լեռներում, ուր տեղափոխուած են Հենրիխը և Բաուտենդէլէյն: Այստեղ Հենրիխը աւելի մեծ, աւելի լայն նպատակի է անձնատուր լինում. այն է՝ շինել մի ամբողջ տաճար, որ պիտի տապալէ ամեն ինչ և արծարծէ սէր՝ եղբայրական անասճման սէր:

Երրորդ գործողութեան մէջ բեմ է դուրս դալիս պատտորը և սկսում է համոզել Հենրիխին վերադառնալ իր ընտանիքի մօտ և շարունակել իր նախկին կեանքը: Բայց պատտորի թէ խնդիրները և թէ սպառնալիքները անհետևանք են մնում:

Հենրիխը բացէ ի բաց մերժում է վերադառնալ հովիտ:

Չորրորդ գործող. մէջ մենք հանդիպում ենք Հենրիխին դարբնոցում աշխատելիս. բայց նրա աշխատանքը առաջ չի գնում: Թղուկները հրաժարում են նրան ծառայելուց: Իսկ անտառային ողին ոչ միայն հեղնում է, այլ նաև արհամարհում է Հենրիխի ոյժերը:

— Այս մուրճով կըջախջախեմ քո գլուխը, բղաւում է Հենրիխը ոգու վրայ:

— Ապա մի փորձիր. հանգարտ կերպով պատասխանում է ողին: Չէ որ քո հարւածը ինձ նոյնքան ցաւ կըպատճառէ, որքան ճանճի խայթոցը...

Արդովւած և յոգնած Հենրիխը պարկում է քնելու:

Գուրս է գալիս ջրային ողին, սպառնում է Հենրիխին նրանով, թէ ինքը՝ ջրային ողին և միւս ոյժերը թոյլ չեն տալ նրան տաճարի շինութիւնը վերջացնելու, խոտիւ վրէժ կըլուծեն և այդ բոլորից յետոյ նախագուշակում է, թէ կըգայ ժամանակ, երբ նրա ջրասույց զանդը կըհնչեցնէ իր ձայնը: Բարոյապէս ընկճած Հենրիխը վեր է թռչում քնից, կանչում է Բաուտենդէլէյ Ֆէային և խնդրում է նրանից վանել ծանր մտածմունքները. այդ ժամանակ ներքեւից ձայներ են լսում. զրանք հովտի բնակիչներն են, որ գնում են նրա ստեղծագործութիւնը — տաճարը կործանելու: Հենրիխը առաջ է վազում. բարձրից դուրսում է քարերի մեծ-մեծ կտորներ և գրանով ազատում թէ իրան և թէ իր ստեղծագործութիւնը: Նա հիացած է այդ յաղթութեամբ և ուզում է աւելի ուժեղացնել այդ զգացմունքը երաժշտութեամբ: Յանկարծ հնչում է կախարդական մեղեդին. Հենրիխը առաջ է վազում և տեսնում իր երկու զաւակներին, որոնք լեռն ի վեր են բարձրացնում մի բաժակ:

— Բարև, Հայրիկ, ասում են նրանք, մայրիկը հրամայեց քեզ ողջունել:

— Ղնորհակալութիւն, երեխայք. բայց ինչպէս է նրա առողջութիւնը:

— Մայրիկը խեղդեց լճում...

— Իսկ այդ ինչ էք բերել:

— Մայրիկի արցունքները. նա խնդրեց քեզ յանձնել և ինչպէս գտան, ինչպէս աղի են այդ արցունքները: Այդ բոպէին լսում է ջրասույց զանգի ուժղին զօղանջիւնը:

Աշտահար Հենրիխը մի կողմ է մղում Բաուտենդէլէյին և սլանում է դէպի հովիտը, բացականչելով.

— Մագգան, Մագգան, գալիս եմ...

Հինգերորդ գործողութիւնը տեղի է ունենում պառաւ Ախտիլայի խրճիթի մօտ: Յայտնում է ծանրը վշտից ընկճած Բաուտենդէլէյն և վճռում է անձնատուր լինել ջրային ողուն, որ վաղուց սիրահարւած էր նրա վրայ:

Անտառային ողին ուրախացած պատմում է ջրային ողուն Հենրիխի փախուստը և չարախիղճ ծիծաղով ցոյց է տալիս նրա հրդեհած տաճարը:

Լեռներից վար է իջնում ուժասպառ եղած Հենրիխը: Նա մի անգամ էլ չեա է նայում, նորից ուզում է վերև բարձրանալ, բայց պառաւ Ախտիլան կանգնեցնում է նրան.

— Մի համարձակիր բարձրանալ. սպա թէ ոչ անդունդը կ'ընկնես: Այնտեղ բարձրանալ կարող են միայն թուաւորները, իսկ քո թուերն արդէն կտրուած են: Գու կոչւած էիր այդ մեծ գործի համար, բայց անարժան գտնւեցիր:

Հենրիխը պարկում է նստարանի վրայ և Ախտիլայից խնդրում է թոյլ տալ զէթ մի անգամ էլ տեսնելու Բաուտենդէլէյի հետ: Իբրև պատասխան

պառաւր բերում է երեք բաժակ զանազան հեղուկներով լցած և ասում.

—Եթէ խմես առաջինից, այն ժամանակ մի ընդհանր կրկերադառնան քո նախկին ուժերը:

Երկրորդը կրկերադարձնէ քեզ ոգևորող հզոր ուժը: Իսկ երրորդը կարող է միայն մահ պատճառել: Այլ որ խմէ առաջին երկու բաժակները, նա պարտաւոր է խմել և երրորդը:

Հենրիխը խմում է առաջին երկուսը և կարողանում է տեսնել Բաուտենդէլէյին: Վերջինս տալիս է նրան ըմպելու և երրորդ բաժակը և դրանից չետոյ Հենրիխը մեռնում է Բաուտենդէլէյի գրկում, մրմնջալով՝

—Die Sonne kommt! Vie lang ist die Nacht!..

—Արեգակը դուրս է գալիս... Ի՞նչպէս երկար է դիշերը...

Այդ խօսքերով վերջանում է դրաման, որ թէև դրոյցի տպաւորութիւն է թողնում, բայց իր ներքին խորիմաստ բովանդակութեամբ շատ ու շատ մտորումների առիթ է տալիս:

(Վերջը միւս անգամ)

Ջ Ո Ւ Ա Ն Չ

I

Երբ որ Մարտինիչ Օվակիմովը բուն թիֆլիսեցի չէր, նա ձամախու քաղաքական դպրոցն աւարտելուց չետոյ, հաշտարար դատաւորի մօտ թարգման էր: Բայց չետոյ փոխադրեցաւ Թիֆլիսի պոստ-հեռագրատան կայարանը: Մոցիբուկ Պէտրէն միշտ կրկնում էր իր ծանօթներին, որ Օվակիմովի Թիֆլիս գալն ու քնի մէջ պսակելը մէկ եղաւ: Օվակիմովի գոբանջ՝ Կէկէլը մինչև օրս էլ կրկնում է, որ այդ գործի մէջ խառն է սուրբ Սարգսի արդար մատը:

—Այս գործում ոչ թէ սուրբ Սարգսի արդար մատն է խառն, զայրացած ասում էր Օվակիմովը իր գոբանջին, — այս գործում քո մոցիբուկ Պէտրէի կեղտոտ մատն է խառն...

—Վուրթի, պատասխանում էր Կէկէլը, — մարդուս ճակտին ինչ գրած է, գրած է: Հալբաթ քու իղբալն էլ էտէնց էր. թէ չէ մինք խաբելու ինչ ունէինք... Դուն խօսմ պղտի երեխայ չիս, վուր խաբել էինք... աղու, մէքաշ մատս չըկծիս... Օխնած, եքա լոնդի տղամարդ ես, ու մինք պիտի քեզ խաբել էինք. փառք Աստծու, խօսմ գըլ-խումդ խիլք կար:

—Դուք ձեր օչինբագութիւններով մարդու գլխում լսելք չէք թողնիլ. դուք ձեր խարդախութիւններով երկրնքի հրեշտակին էլ կըմոլորացնէք...

—Ի յաւ, Եզոր ջան! մէջ էր մտնում Մաշոն, — անցկացած բանի վրայ չեն խօսիլ:

Մաշոն միշտ աշխատում էր իր մարդուն հանգստացնել. բայց պսակելու օրից սկսած, կարծես, Օվակիմովի սրտին մի անագին քար էր դրած, Կէկէլն էլ արդէն հասել էր իր նպատակին: Նա իր մարդու մեռնելու օրից, ամբողջ երեսուն տարի սպասեց անհամբեր, դաւիա-քեւա-

ճեռ գնաց, մատաղներ կտրեց, և վերջապէս մի կերպ նադրեց (կամ ինչպէս թիֆլիզեցիք ասում են՝ սաղաւցեց) իր աղջկան: Կէկէլը միշտ ասում էր.

—Ախ, կամար-կատար քաղցր Փեթխային! Մաշինկիս մարդու տամ ու ես էլ փեսիս դովաթում լւլւամ!

Բայց այժմ փեսան, փոխանակ իր գոբանջին լւլւացնելու իր դովաթում, յանդիմանում է նրան, նախատինք է թափում նրա գլխին լարած որոգայթների համար: Մաշինկան ծաղկեց, բացւեց վարդի նման, ճոխացաւ և երեսուն տարի անհամբեր սպասեց իր սոխակին. բայց նա չըկար... Մաշինկան թառամեց, աչքը շուր կտրեց սպասելուց, բայց նա չըկար... Մաշինկան չադ բելիով ու կարմէնով ներկեց իր թոշնած երեսը, օճեց մագերը անուշահոտ իւղով, ոլորեց նրանց տաք ունէլիքով, խճճեց, նազելի մէջքը սղմեց կորսետով, շրջեց բոլոր օբաները, նստած պատուհանի առաջ, սպասեց, երկար սպասեց. բայց նա չըկար... Եւ այսօր, ահա—վերջապէս, վերջապէս նա հասել է իր մուրագին!

II

Երբ ինչ խաբար է, Մաշո ջան, ինչի ես էտէնց? Հարցրեց մի առաւօտ Կէկէլը, ներս մտնելով:

Կէկէլը սովորութիւն ունէր միշտ այցելել իր աղջկան առաւօտները, երբ Եզոր Մարտինիչը գնացած էր լինում ծառայութեան, որովհետև գոբանջը շատ բան չի կարող ասել իր աղջկան փեսի ներկայութեամբ:

—Քա, ինչ է պատահի, ասա! շարունակեց Կէկէլը, — ինչի իս օրէ օր էտէնց աւերում և փիքը անում, գեթադանէ, Մաշինկա ջան? Քու ննգիրտիքը դիք քիլ էրնեկ ին տալի, որ չինովնիկ մարդու գնացիր: Ուրիշները մարդու ին գնում—կինք քաշում, ուրախանում, քէփ անում. համա գու... համա դու... հը? Ինչ գարդ ունիս, ասա, գեհացալէ!.. բեբախտութիւն խօսմ չի պատահի? Հգեբա քեզ քու մարդն է բեգամադ արի? Ինձմէն մի թագցրու, գեհացալէ, ես ամեն բանի հանգը կու սովորցնիմ...

Բանից դուրս եկաւ, որ Եզոր Մարտինիչը ամեն օր մի որևիցէ պատճառով յանգիմանում, կշտամբում է Մաշոյին և նրա սիրտը շուր բերում: Մի անգամ Մաշոն երկու ափսէ արգանակի մէջ չորս աղաթաս էր դարդակել իսկ կաթնաճաշ պատրաստելիս եռացած կաթը յանկարծ շուր է տւել իր վրայ և ամբողջ շրջագետտը թրջել: Մի ուրիշ անգամ էլ Մաշոն իր մարդու տուժուրկի կոճակը կպցնելիս՝ յանկարծ ասեղով ծակում է իր ձախ բութ մատը և արիւնլւաց անում:

—Եւ ամեն օր այսպիսի չնչին պատճառներով նա ինձ լացացնում է, ասաց Մաշոն, սրտից խոր ախ բաշերով:

Մօր և աղջկայ խօսակցութիւնն այնքան երկարացաւ, որ տւեց մինչև ժամի 2-ը: Կէկէլը և Մաշոն տաքացած խօսում էին առանց հերթի. Մաշոն վրայ-վրայ էր տալիս, իր մարդուց գանգատում, անիճում իր կեանքը, Եզոր Մարտինիչի հասցէին հազար տեսակ անվայել խօսքեր ասում: Իսկ Կէկէլը լսելով այդ բոլորը, քանի գնում, այնքան կատաղում էր և իր փեսին հայհոյում: Մի հարայ-հրոց էր սկսւել, մի աղմուկ, որ կարծես տմբակալի լինէր: Այդ միջոցին արդէն սանդուղքներով բարձրանում

էր Եգոր Մարտինիչը, որ ճառագուլթենից յետոյ չողնած և քաղցած՝ գալիս էր տուն հանգիստ գտնելու իր ընտանիքի մէջ և կազդուրելու իր ուժերը: Նա նոր էր մտել նախասենեակը, երբ նրա ականջին հասան ներսի աղաղակն ու հարաչ-հրոցը: Մօտեցաւ սենեակի դռան, բայց կրկին յետ քաշեց գզուշութեամբ և կծկելով նախասենեակի անկիւնում, լարեց իր լսելիքը:

—Այն անասունաձր ինձ ստիպում է կերակուր եփել, լաճք անել, շորեր կարել-կարկատել, ամբողջ օրը քոճի պէս թրև դալ, չարչարել, տանջել... էն օրը սեանայ, որ ես նրան ուստ եկայ...

—Նրա կինքը սենայ, վուրթի, նրա կինքը! Վուչ արժանանայ նա իր օթեանին! Գետինը պատուէ ու նրան դիւր տանի!

Եգոր Մարտինիչի կատաղութեան չափ չլկար: Կտում էր նա իր հասցէին ուղղած անարգանքն ու հայհոյանքները և ատամները կրճտացնում:

—Նոր մօղնի գերիաներ եմ ուզում կարել տայ, շարունակեց Մաշոն հեկեկալով, —ասում է՝ փող չըկայ, պիկնիկ եմ ուզում սարքել, ասում է՝ փող չըկայ, թատրոն եմ ուզում դնայ, ասում է՝ փող չըկայ...

—Է՛, հուղեմ նրա գլուխը! վուր փուղ չունէր, ինչու պսակելից?

Եգոր Մարտինիչը գայրացած թ.քեց և ասաց ինքն իրան.

—Կեղտոտ, ստոր արարածներ! Ես երբ եմ լանդրել ձեր աղջկայ ձեռքը? Կամ եթէ ես մեծ ուռնիկ ստանայի ու գրպաններս լիքը լինէր փողով, միթէ ես կըկատարէի ձեր պահանջները?

Եգոր Մարտինիչը ուզում էր չանկարծ ներս վազել սենեակը ու երկուսին էլ իր ոտների տակ ջարդ ու փշուր անել: Բայց նա մի կերպով իրան զսպում էր և դարձեալ գայրացած ականջ դնում:

—Ախ, մայրիկ ջան, ինչ հողը տամ գլխիս? Ես ինչ պէս ապրեմ նրա հետ, նա իմ կեանքը կըմաշի...

—Թող նրա կինքը մաշի! Գոռաց Կէկէլը, —ես էն կոռչին աղջիկ իմ տւի, վուր իր աչքի լուսի պէս մուղալթ կենայ, չէ թէ նրան տանջի ու հարումաշ անի? Թէ նա իր համա քոճ էր ուզում, թող իրանց կոռներեմէն մէկը նշանի էր... Աբա, վիս էկատրէբա! Քաղքի արմաղան աղջիկը տանի և կուխնումը ջանը մաշի! դիախ, դիախ! Կնիկ է տարի, թող ջանը դուս գայ, նրա համա քոճ ու բիճ բռնի, լաւ շախով հագցնի, դուգի, լազաթով մանածի կալասկով թաշգուլի նման... Նա իր գոնքչին էլ անտիս չըպիտի անի! Վուրթի, մի լսի նրան, թ.քիւր նրա ասածների վրա! Վուչուր սիրտդ ուզում է, էնէնց էլ արա: Քի համա քու կինքը ուփրօ թանգ աժի, քանց նրա փնթփնթօցը... Ինչդագամ նրան մտիկ անիս, էնքան ուփրօ դաշմ գլխիդ կու նստի! Զուներ կու հաչի, քարեանը կ'էհայ...

Այդ բոպէին ներս մտաւ Եգոր Մարտինիչը: Կէկէլը կու տւեց բերանի խօսքը և լռեց: Մաշոն իր վրդովմունքը ծածկելու համար իսկոյն դուրս գնաց սենեակից: Եգոր Մարտինիչը մի խոր հայեացք գցեց իր աչալլած գոքանչի վրայ և լուռ ու մուսջ նստեց: Կէկէլը մի փոքր լուռ թիւնից յետոյ, տեսնելով, որ փեսան ոչինչ չի ասում,

նրա կասկածը փարատելու համար, չիշեց իր կու տւած վերջին խօսքերը և ասաց.

—Հա, էն էի ասում՝ շունը կու հաչի, քարեանը կ'էհայ... Էն ձեր հարեան լպտուած Կատոն... Խո՞մ ճանչնում իս, վուրթի? Էն վուր, մէ աչքը՝ շղիկ է?

Եգոր Մարտինիչը ոչինչ չըպատասխանեց:

—Եկիլ է ու դալմաղալը աշխարհք գցի, միթօմ Մաշինկէն քուչումը լաճքի ջուր է աճի... Ես էլ Մաշինկին ասի, վուր էն լպտածին վունչինջ ջուղաբ չըտայ, շունը կու հաչի, քարեանը կ'էհայ... Մաշինկէն բօշիների թաշը չի, վուր նրանց հիդ խօսք ու ջուղաբ անի...

III

Պոքը յետոյ ներս մտաւ Մաշոն և սկսեց ճաշի սեղանը բաց անել: Կէկէլը մնաւ բարով ասաց և կամենում էր գնալ. բայց Եգոր Մարտինիչը խնդրեց նրան սպասելու ճաշին: Կէկէլը մի փոքր չեմ չեմ արաւ, թուրքի նման նազութուզ արաւ և նստեց, մանաւանդ որ նա այդ օրը ուզում էր մի կերպով խօսք բաց անել իր աղջկայ դրութեան մասին: Եգոր Մարտինիչն էլ իր առանձին նստատակն ունէր: Մաշոն զբաղւած էր ճաշի պատրաստութիւնով:

—Վուրթի, տեսնում իս? ասաց Կէկէլը իր փեսին, —վունց է չարչուում խիղճ աղջիկը... Ինչ կ'ուլի, վուր նրա համա մէ պտի քոճ բռնիս, ջահիլ է, միղք է...

—Ի հարկէ, ի հարկէ. պատասխանեց Օվակիմովը, երկու մատով շփելով ընչացքը: Այդ անսպասելի հաւանութիւնը փեսի կողմից շատ դուր եկաւ Կէկէլին, որ աւելի սիրտ առած՝ շարունակեց.

—Մէկ էլ էն էի ուզում ասի, վուր քու անունին լայեղ չի, վուր քու կնիկը կալսնումը կերակուր էփի...

—Ի հարկէ, ի հարկէ:

—Կերակուր էփի ու էն ճերմակ, արմաղան ձեռները սիւցնի...

—Ի հարկէ, ի հարկէ:

—Ճերմակ, արմաղան ձեռները սիւցնի ու մէջքը կոտրելով պոլերը խտկի...

—Ի հարկէ, ի հարկէ:

Փեսայի զուգ-զուգ «ի հաւիկներից» հրապուրւած, Կէկէլն էլ սկսեց զուգ-զուգ շարունակել իր պատուէրները: Զոքանչի քէփը այնպէս գալիս էր իր փեսից, որ քիչ էր մնում նրա բերանը համբուրի: Առաջին անգամն էր, որ Օվակիմովը այսպիսի հաւանութիւններ էր տալիս իր գոքանչի ասածներին: Այդ բոպէին Մաշոն բերեց արգանակը:

—Հա մէկ էլ էն էի ասում, վուրթի, շարունակեց Կէկէլը՝ խաշտելով անհամ արգանակը, —վուր էս տունը փոխիս ու շղիկ Կատոյի ասէկօսէմէն միզ աղատիս... Այ, բուլարի վրէն մի լազաթով փաթեք *) բռնիս...

—Ինչի? Մոլուակ էլ լաւ կըլինի, մէջ մտաւ Մաշոն, որ երեխայի նման հրճուում էր:

—Ի հարկէ, ի հարկէ:

—Մէ լազաթով փաթ էր բռնիս ու գայի համար լաւ սարք ու կարգ առնիս...

—Մէջքը կոտրելով պոլերը խտկի ու քրտինքի մէջ էլըի...

*) Բնակարան

— Ի հարկէ, ի հարկէ:
 — Քրտինքի մէջ էրևի ու դուրսն էլ պրաստոյի շուրերով վուտով ման գաց...

— Վահ, ի հարկէ, ի հարկէ!
 — Պրաստոյի շուրերով վուտով ման գաց ու խալիսի միջին մասխարա դառնայ...

— Ի հարկէ, ի հարկէ:
 Այստեղ Կէկէլը սկսեց մի մի թւել և նկարագրել բոլոր իրեղէնները, որ հարկաւոր էին դահլիճի համար:

Այդ րոպէին սենեակում բարձրացաւ մի գարշելի ճենճերահոտ Մաշոն բերեց տապական, Հէնց այն ժամանակ, երբ Կէկէլը իր աղջկան «սովրացնում էր ամեն բանի հանդը», տապական բոլորովին այրել, չորացել էր կրակի վրայ:

— Ինձ էլ, վուրթի, անտես չըպիտի անիս, շարունակեց Կէկէլը, — ես էլ եադ չիմ, քու գէղէն իմ... Ինձ էլ պիտի խանդիսխան միտքդ գցիս ու մէ ծաղիկ էլ ինձ տաս: Ծաղիկ խօսքը Կէկէլի լեզուով ընծայ էր նշանակում:

Օվակիմովը զգուշացնում տապակալի գարշահոտութիւնից, թիթը անձեռոցիկով ամուր ծածկել էր և լուռ ու մուկ սեղանից ետ քաշել: Այ դք չըմօտեցաւ տապակածին:

— Ես էլ քու ծաղիկը կու տէհնիմ, կ'ուրախանամ ու քիզ կ'օրհնիմ...

Եգոր Մարտինիչը, որի «ի հարկէները» արդէն սպառուել էին, յանկարծ տեղից վեր ցատկեց, առաւ տատակալի փոսէն և գայրացած շարտեց իր գոքանչի առաջ:

— Ահա քո ծաղիկը! Քո աղջիկն է պատրաստել... Այս իսկի շան առաջը չեն բերիլ, ոչ թէ այն մարդու, որ ամբողջ հինգ ժամ անընհատ աշխատել է, չարչարել, չոզնել և սոված եկել է տուն իր ընտանիքում կազդուրելու իր ոչժերը...

— Վուչ իմ աչքին! Կանա էսէնց էս քու զոնքչին պատիւ տալիս!

— Զոքանջ! դու զոքանջ չես, դու մի աւելորդ և միանգամայն վնասակար մսի կոչտ ես, որ զուր տեղ ես բռնում աշխարհիս երեսին և քո դասերով կործանում ես ուրիշի ընտանիքը: Իս բաւական չէ, ստոր և դժուր միջոցներով քո ողորմելի աղջկայց համար ամուսին որսեցիր, այժմ էլ կամենում ես այդ երկու ամուսիններին քո կեղտոտ ձեռներով տապալել դժբախտութեան անդունդը: Քեզպէսները պատուհաս են աշխարհիս համար: Քեզպէսները աւելի վարակիչ են, քան թէ չուման: Ձեր թոյնն աւելի սպանիչ է, քան թէ օձինը! Որդի ես կրթել, որդի մեծացրել! փոխանակ տանտիկնութիւն սովրացնելու, փոխանակ պարգասիրութիւն քարոզելու, դու քո խեղճ աղջկայց դուրսը լցրել ես չիմար գաղափարներով... Իու քո գաւակից ընտանիքի մայր պիտի պատրաստէիր, պարզասէր և աշխատաւոր տանտիկին պիտի պատրաստէիր: դու պէտք է նրան արժանի անդամ շինէիր հասարակութեան համար, ոչ թէ իմ ձեռքը տալիք քեզ պէս մի այլանդակ և վնասակար մսի կոտոր, որ կարող է ծնել մի քանի իր նմանները և չարիք լինել մարդկութեան համար... Վայրենի ծառին կարելի է պատուատ անել, ազ-

նւացնել! օգտակար դարձնել նրան, եթէ որ սպանիչ որդիները չըտողան հողի տակից, չըկրճեն, չըմաշեն նրա արմատները: Հեռու, հեռու իմ հիւանդ և վայրենի ծառից, օ դու, հողի որդի! Ես իմ ականջով լսեցի մի ժամ առաջ թէ դու ինչ էիր քարոզում քո աղջկան... Հեռու, հեռու պարագիտ! Այսուհետև չըհամարձակես մօտենալ իմ շէմքին, դուրս...

Յարուբիւն Թումանեանց

Ա Ռ Ո Ղ Ջ Ա Պ Ա Հ Ա Վ Ա Ն

V. ԽՆԱՄՐԱՏԱՐՈՒԹԻՒՆ ԾՆՆԴԿԱՆԻՆ ԵՒ ՆՈՐԱԾՆԻՆ

Ե՞րբ կարող ե ճննդկանը վեր կենալ եւ աշխատել. — Ծննդաշուր, — Ծննդկանի սնունդը. — Աջիւնով կերակրելը. — Ի՞նչպիսի պետք է կերակրել. — Երեխային լողացնելը:

Ծնունդից յետոյ կինը բնաւ չըպէտք է իսկոյն վեր կենայ անկողնից: Մինչև անգամ այն կինը, որ ամրակամ է և ծնել է շուտով ու հեշտ, նա էլ զոնէ չորս օր պէտք է հանգիստ պարկի և դուրս չըգայ տանից: Ինն օրից յետոյ կարելի է գործ սկսել, բայց ոչ ծանր աշխատանք: Ծնունդից անմիջապէս յետոյ ծանրութիւններ կրել խիստ վտանգաւոր է: Սաստիկ ճնշումից կըսկսի փորը ցուել և արգանդը կիջնի, դուրս կըգայ: Պատահում է երբեմն, որ կինը ջահիլ հասակում առաջին ծննդին վնասում է իր առողջութեանը, իսկ յետոյ մինչև խորին ծերութիւնը տանջւում:

Ծնունդից վերջը ծննդկանը պէտք է ամեն օր գիշերները լւանայ հեշտոցը տաք ջրով և շատ մաքուր պահէ իրան: Եթէ ամեն ինչ կարգին է, առաջին երեք օրերում ծննդաջուրքը (послеродовое очищение) լինում է արիւնոտ, յետոյ արիւնը պակասում է, փոխւում մաղաւային և ապա ընդունում է սպիտակաւուն գոյն: Եթէ ծննդկանը ծիծ է յոպիս երեխային, ծննդաջուրքը շարունակւում է 3-4 շաբաթ, իսկ եթէ ծիծ չէ տալիս, տևում է փոքր ինչ աւելի երկար: Եթէ ծննդկանը շուտ է վեր կենում կամ շարժողութիւններ անում (աշխատում է), ծննդաջուրքը կրկին արիւնոտ է դառնում, կամ թէ պատահում է արիւնահոսութիւն:

Ծննդկանը պէտք է գործածէ այնպիսի կերակուրներ, որոնց վարժ է իր ստամոքսը, որոնց սովոր է. նա պէտք է խուսափէ լւղոտ, դժւարամարս կերակուրներից, մանաւանդ խմորեղէնից: Ամրութեան դէպքում, մարդ ըստիպում է նիք տալ, իսկ նըքոցը պատճառում է արգանդի իջւածք և նա դուրս կըգայ ու կըկախի ազդրերի մէջը: Եթէ մայրն առողջ է, թէ իր և թէ երեխայի համար օգտաւէտ է ծիծ տալը, որ ինքը կերակրէ իր զաւակին: Իսկ եթէ ինքը թոյլ է կամ պտուկները շատ փոքր են կամ ունի մի այնպիսի հիւանդութիւն, որ կաթից կարող է անցնել երեխայի վրայ, օր. բարակացաւ, պէտք է երեխային սննդել վարժելով ձմայր, կամ կերակրել արհեստական կերպով, այսինքն կովի կաթով: Երբ մօրը թոյլ չի տրւած ծիծ տալ, պէտք է կաթի ազատ ծորման համար ստինքի վրայ դնի տաքացրած բամբակ և քանի որ ծորում է կաթը, չուտի անմարս կերակուրներ:

Եթէ մայրը քիչ կաթ ունի կամ թոյլ է (վերջին

դէպքում պէտք է միայն մի քանի ամիս ծիծ տուչ և յետոյ ծծից կտրել) կարող է ծիծ տալով, երեխային ևս կերակրէ կովի կաթով (ջրախառն), Իրանով երեխան լաւ է սննդուում, մայրը պակաս է նւագում և յետոյ ծծից կտրելն էլ աւելի հեշտ է լինում: Եթէ մայրն է կերակրում, պէտք է ծիծ տալն սկսի ծնունդից մի քանի ժամ յետոյ (5—12 ժամ) և եթէ առաջին անգամն է ծիծ տալիս, թող մանկաբարձուհին սովորացնի ծիծ տալու եղանակը: Սննդելուս պէտք է սովորել երկու ստինքից էլ կերակրելու և ծիծ տալիս պէտք է երեխային սովորեցնել կանոնաւորութեան, այն է՝ ծիծ տալ մի որոշ ժամանակամիջոցից յետոյ, երկու ժամը մի անգամ ցերեկը, իսկ գիշերը երեք կամ չորս ժամը մի անգամ:

Եթէ ծիծ տալը ցաւալի է և կամ պզուկները տրաքւել են, պէտք է սննդելուց առաջ պզուկների վրայ հագցնել ըզգինի պտուկ (որպէս զի երեխան ծծելիս ոչ թէ մօր պտուկը ուղղակի բերանն առնի, այլ ըզգինի պտուկը, այդ պատճառով էլ մօր պտուկը քիչ կը գրգռուի և ծիծ տալը ցաւալի չի լինի): Պտուկները պէտք է զգուշութեամբ և փափուկ կտաւով սրբել ամեն կաթ տալուց վերջը: Պէտք է նկատել, որ կաթ տալու միակ նպատակն է երեխային սնունդ տալ և նրա աճելուն օգնել, այլ ոչ թէ ծծով զբօսնեցնել կամ ծծով մոռանալ տալ նրա ուրիշ պէտքերը կամ ցաւը, որոնց համար նա աղաղակում է: Նրա ամեն լացին կաթ տալու վարժեցնելը նորաձնին կրկնապատիկ վնաս է, նախ որ առաջւայ կերած կաթի մարսողութիւնը չը կատարւած, նրա ստամոքսը բեռնելով անպատճառ կը վնասուի: Երկրորդ իր մօրն անդադար անհանգստութիւն կը պատճառէ, նա մանաւանդ գիշեր ժամանակ, որով նա ցրտից և քնահատութիւնից հիւանդանալով, տալիք կաթը՝ իր չատկութիւնը կը կորցնէ և երեխան կը վնասուի:

Երբ երեխան դառնում է վեց շաբաթական կամ երկու ամսական, կարելի է լաւ կշտացնել կէս գիշերից երկու ժամ առաջ, և մի անգամ էլ լուսաբացին: Վեց կամ եօթն ամսական մանուկին, առաջին ատամ երեւալուց յետոյ, կարելի է կաթից ջուկ ուրիշ ուտելիք էլ տալ, որովհետև այդ հասակին մանուկի ստամոքսն այնքան զարգացած է, որ կարող է մարսել ջրալի կերակուրներ: Թեթև մսաջուրը պէտք է ուտեցնել ճիշտ օրւայ որոշեալ ժամերին կաթ ուտելուց երկու ժամ յետոյ, որից վերջը բան խմեցնելու մտքով չը պէտք է կաթ տալ: Մանուկի ծարաւը կտրելու համար կարելի է ջուր, շաքարաջուր, թէյ, նոյն իսկ ջրախառն գինի խմեցնել: Մսաջուրը կամ այլ և այլ խառնուրդներով արգանակը կարելի է տալ օրն երկու անգամ, երբ երեխան դառնում է ինն կամ տասն ամսական:

Բացի սնունդից մանուկին հարկաւոր է մաքրութիւն: Զաքաթը մէկ կամ երկու անգամ մանուկին պէտք է լողացնել տաշտի մէջ չորս հինգ վաչրկեան տն ողութեամբ: Ջրի ջերմութիւն պէտք է լինի 28° Բէմօրի ջերմաչափով: Ջուրը մարմնից դուրս եկած հիւթերը վրայից հանելով, անդամներին տալիս է դիւրաշարժութիւն, ջրային գրգռութիւնը հանգարտեցնում և առհասարակ հանգստացնում է: Լողացնել կարելի է օրւայ ամեն ժամին, բաց առաւօտն աւելի շարմար է:

Երեխաներին լողացնել տանը և բնաւ չը տանել բաղանիք: Երկար ժամանակ նրանց չը պէտք է տանել բաղանիք, որովհետև սրանից խիստ շատ անպամ ամենաճանր հիւանդութիւններ են առաջ գալիս: Սոսկալի տաքութիւն, վնասակար գոլորշիներ, երբեմն էլ գարշահոտութիւն, ահ ու սոսկում, ճիչ ու երկարատև զայրոյթ, ահա մանուկի վաչելածն բաղնիքում:

(Կըւարուճակի)

ՏՆՏԵՍԱԳՐՅԱԿԱՆ ԶՐՈՅՏՆԵՐ

VI

Աւխասանի բաժանման զարգացումը

Միշտ և ամեն տեղ չի կարելի աշխատանքը նոյն չափով բաժանել: Բաժանման աստիճանը կախւած է զանազան պայմաններից: Մեր յետ ընկած գիւղերում գիւղացի ընտանիքը պատրաստում է ինքը իր համար բոլոր հարկաւոր իրերը: Միևնոյն գիւղացին համ խրճիթն է շինում, համ երկրագործութեամբ է զբաղւում, համ բրդեղէն շալեր է գործում, համ տրեխ է շինում իր համար, համ իր գործիքներն է նորոգում և այլն: Իսկ մեր քաղաքներում արդէն չիշեալ գործողութիւններից իւրաքանչիւրը առնուազն մի վարպետի գործ է: Ասում ենք առնուազն, որովհետև տեղ-տեղ բաժանումը աւելի հեռու է գնացել և օրինակ գործիքների փայտեղէն մա-

սերը մի վարպետ է շինում կամ նորոգում, իսկ երկաթեղէն մասերը մի ուրիշը: Մեր գրականութեան մէջ տեսնում ենք, որ շատ անգամ միևնոյն գրողը համ վէպեր է գրում, համ քննադատութիւններ, համ քաղաքական յօդւածներ, համ բարոյական խրատներ... միւս կողմից էլ գուցէ մասնաւոր դասերով է զբաղւում, կամ պաշտօն ունի քաղաքային վարչութեան մէջ, փաստաբանութեամբ է պարապում և այլն: Մինչդեռ աւելի զարգացած գրականական ասպարիզում վիպասանը նւիրւած է իր վէպերին, քննադատը իր քննադատութեան և քաղաքագէտ գրողը իր քաղաքական գրւածքներին: Այդ ի հարկէ շատ աւելի շարմար է գործի չատկութեան հալմար: Ենթադրենք որ մի Ֆրանսիացի վիպասան ամբողջ տարին ուշ ու միտքը դնում է մի վէպի վրայ, լաւ ուսումնասիրում է իր ընտրած առարկան,

մինչև իսկ մեծ ծախսեր է անում (օրինակ ճանապարհորդում է) նոյն նպատակի համար և իր ամբողջ ժամանակը և ոյժերը գործ դնելով պատրաստում է մի ընտիր վիպասանութիւն, որի մէջ դժւար է լինում որոշել, թէ որքան տաղանդ և որքան աշխատութիւն կայ: Եւ այդ վէպը այնպէս քաղցր կերպով գնում է Ֆրանսիացի ընթերցողի կողմից, որ վիպասանը փառաւոր կերպով վարձատրւում է, այնպէս որ նա կարողանում է պահել իր ընտանիքը, կարողանում է ինքը պատշաճաւոր կեանք անցուցանել, վերջապէս կարողանում է չատկապէս իր կոչման, զբաղմունքի հետ կապւած ծախսեր անել: Հիմա երեւակայեցէք ձեզ, որ նոյն կերպով վարէ հայ վիպասանը, այսինքն ամբողջ ժամանակը և ուժերը նւիրելով մի տարւայ ընթացքում մի վէպ շարագրէ: Այնուհետև նա պիտի հազար մարդուց մին-



Փոքրիկ Ջարուհի

Լախ
 տպե
 նա
 ճախ
 դու
 խեղ
 վեպ
 խաչ
 թէ
 պէս
 ընդ
 թեւ
 գու
 իսկ
 մու
 լուս
 կեան
 նու
 կար
 կող
 բու
 Պ
 բաժ
 պահ
 թիւ
 կախ
 տիճ
 ռակ
 խա
 թիւ
 կրթ
 աւե
 կան
 նու
 աւե
 աղ
 ներ
 ներ
 կատ
 աւու
 թիւ
 ճագ
 ձիւ
 թե
 բար
 երկ
 Այ
 որ
 ցու
 պար
 նից
 աւե
 կրթ
 են
 քաղ
 (պահ

նախ քաշէ, որ միջոց գտնէ վէպը տպել տալու: Իսկ տպագրելուց յետոյ նա չէ կարող հեշտութեամբ այնքան ծախել, որ գոնեա թղթի ծախսը դուրս գայ: Այդպիսի դէպքում նա խօսելուամբ չէ որ իր ամբողջ կեանքը այդ վէպերին նւիրէ, քանի որ այդպիսով խառնուակ դրութեան մէջ կրգնի թէ իրան և թէ իր ընտանիքը: Ինչպէս որևորէ նա բնութեան տեսարաններով և մարդկութեան պատմութեամբ, երբ իր փոքրիկը կաթ է ուտում, միտք է ուզում, շապիկ է ուզում, իսկ տաղանդաւոր հայրիկի գրպանումը մտնի է պարում... Այսպէս էլ բուն տնտեսական ասպարիզում: Գիւղական կեանքում, ուր մարդիկ բաւականաւոր են հասարակ հազուատեղէնով, չեն կարող բոցն դնել նուրբ դերձակներ և կոշիկակարներ, որոնք սակայն քաղաքում անհրաժեշտ են:

Պարզ է ուրեմն, որ աշխատանքի բաժանման աստիճանը կախուած է պահանջի քանակութիւնից և որակութիւնից: Իսկ վերջին հանգամանքը կախուած է քաղաքակրթութեան աստիճանից: Բայց նկատուում է և հակառակ երևոյթք: Այսինքն որքան աշխատանքը բաժանուում է, քանակութիւնը շատանում է, որակութիւնը նորանում է, նոյնքան պահանջն էլ աւելանում է (էժան և չարմար առարկաներ աւելի շատ գնողներ են ունենում): Եւրոպայում աշխատանքը շատ աւելի նուրբ է բաժանուած քան Ասիայում: Օրինակ ասիական պետութիւնները մէջ մէկ նախարարը համ օրէնքներ է հնարում, համ հսկում է նրա կատարելու վրայ, համ դատաստան է անում: Իսկ քաղաքակրթ պետութիւնների մէջ օրէնսդրական, դործադրողական և դատաւորական առանձին խորհրդաւորներ ատեաններ կան: Դեռ աւելի: լուսաւորութեան նախարարը ուրիշ է, գինւորականը ուրիշ, երկրագործականը ուրիշ և այլն:

Այդպիսով կարելի է հաստատ ասել, որ աշխատանքի բաժանման զարգացումը կախուած է քաղաքակրթութեան զարգացումից և վերջինս էլ առաջինից է կախուած: Ուրիշ խօսքով ասած՝ աշխատանքի բաժանումը եւ քաղաքակրթութիւնը փոխադարձաբար ազդում են իրար վրայ: Ուր բնական կերպով քաղաքակրթութիւնը զարգանում է (պահանջը շատանում ու նրբանում է)

այնտեղ կամայ ակամայ հարկաւոր է լինում աշխատանքը բաժանել: Իսկ ուր արհեստական կերպով, նոյն իսկ բռնի ոչով քաղաքակրթութիւն են ուզում մտցնել (որպէս Պետրոս մեծը Ռուսիայում կամ Նասրէդդինը Պարսկաստանում և այսօրայ Եւրոպան Տաճկաստանում), այնտեղ հարկաւոր է արհեստական կերպով աշխատանքի բաժանում մտցնել (առանց այդ՝ բարեկարգութիւնները անհնար կըլինեն):

Նոյնանման երևոյթք տեղի է ունենում և օրգանիզմի զարգացման ասպարիզում: Ամենահասարակ կենդանիները, ամփիբիաները, որոնց ամբողջ մարմինը բաղկացած է պրոտոպլազմա կոչուած հեղուկից, ոչինչ մասեր կամ օրգաններ չունին: Նրանք թերևս միայն սովի զգացում ունենալով ժամանակ առ ժամանակ իրանց ամբողջ մարմնով ներս են քարշում հարկաւոր նիւթը: Աւելի բարձր աստիճանի վրայ կանգնած արարածները ճիւղեր ունին, որոնք մի տեսակ ձեռքի ու ոտքի տեղ են ծառայում: Ապա գտնում ենք մենք աշխարհքում կենդանիներ, որոնք մի շարք օրգաններ ունին, բայց օրինակ, որոշ ոսկրային մաս չունեն: Այդպէս փոքր առ փոքր բարձրանալով հասնում ենք մենք վերջի վերջոյ բնութեան գլուխը կանգնած արարածին, որ մարդ է կոչուում: Մարդն ամենաւնուրբ, ամենազգաւուն, ամենասարմիտ արարածն է և միևնոյն ժամանակ նրա մարմնի մէջ աշխատանքի բաժանումը (օրգանների բազմատեսակութիւնը և կազմակերպութեան բարդութիւնը) ամենագործի կերպով է զարգացած: Եւ առհասարակ որքան մի կենդանի աւելի բարձր է կանգնած իր հոգեկան շտակութիւններով, նոյնքան աւելի նուրբ է կազմակերպուած նրա մարմինը: Չէ երևում այստեղից, թէ որքան մեծ նշանակութիւն ունի աշխատանքի կազմակերպութիւնը:

Հ Ի Լ Է

Աշխարհագրական

Փ Ա Ր Ա Ղ Ի Հ Ա Յ Ե Ր Հ

(Թուոցիկ ակնաւիճակագրի և ներկայի վրայ)

I

Աղբերի զարգացման և յառաջադիմութեան նշանները երևան են գալիս այն ժամանակ՝ երբ դրանք զգում են զանազան կրթող հիմնարկութիւնների պէտքը, որպիսիք են օրինակ՝

գպրոց, ընթերցարան, լրագրութիւն, թատրոն, հանդէսներ, բարենպաստակ ընկերութիւններ և այլն և այլն, որոնք հանդիսանում են առաջադիմութեան փակտորներ: Որ ազգի մէջ որ բազմաճիւղ, շատ են լինում այդպիսի հիմնարկութիւններ՝ այդ մի ապացոյց է, որ այդ ազգը բարոյական աւելի բարձր աստիճանի վրայ է կանգնած: Մի տարրական գպրոց՝ բաւականութիւն չըտալով նրա մտաւոր պահանջման՝ հաստատուում է միջնակարգ, ապա բարձրագոյն: Այդպէս և ուրիշ կրթող հիմնարկութիւնները: Մենք հայերս, որ զարգացման միջին աստիճանին հազու ենք հասել՝ առ հասարակ ընդունուած ենք որպէս կուլտուրական ազգ, որպէս առաջադիմութեան և զարգացման ընդունակ տարր: Մենք պիտի աշխատենք, ջանք դնենք չըբեղել այդ լուսաւոր հոսանքից, որով արդարացրած կըլինենք միևնոյն ժամանակ և օտարազգի մտածողների կարծիքը:

Հայ ազգը յայտնի է որ ենթարկեց երեք պետութեան իշխանութեան.— Օսմանեան, Ռուսաց և Պարսից: Առաջին երկու պետութեան տակ գտնուող հայերը աւելի բախտաւոր գտնուեցան կուլտուրական տեսակէտից քան երրորդը, պարսկահայը: Իրանք, տաճկահայը և ռուսահայը, գտնուելով այնպիսի տէրութիւնների մէջ՝ որոնք հարեան և մի մասով միաւորուած լինելով Եւրոպա կոչուած աշխարհամասով՝ այդ երկրի առաջադիմական հոսանքը աւելի հեշտութեամբ մուտք գործեց դրանց մէջ: Բայց պարսկահայը այդ բախտը չունեցաւ: Նա գտնուելով մի երկրի մէջ՝ որպիսին է Պարսկաստանը՝ թէ երկրի հեռաւորութիւնը լուսաւոր Եւրոպայից և թէ տիրող ազգի տգէտ և փանատիկ լինելը թոյլ չըտուէր նրան առաջ խաղալու: Նրա ամեն մի քայլը դէպի կուլտուրական ասպարէզը հանդիպում էր այնպիսի խոչընդոտների՝ որի դէմ մաքառել իրան ուժից շատ վեր էր: Եթէ այսօր պարսկահայը փոքր ինչ առաջ դնալու տրամադրութիւն է ցոյց տալիս՝ դրա պատճառը հանդուցեալ լուսամիտ Նասրէդդինի ջանհի մի քանի անգամ Եւրոպա ճանապարհորդելը և եւրոպացիների Պարս-

կաստանում մուտք գործելն է, որով պարսկահայը միջոց ունեցաւ ոտք դնել զարգացման առաջին աստիճանի վրայ: Անհերքելի է մանաւանդ և այն Ֆակտը՝ որ զանազան հոգևոր անհատներ ևս մեծ գարկ տւին պարսկահայոց մտաւոր պահանջներին, որ պիտի էր օրինակ՝ Ստեփանոս արք. Մխիթարեան, որին պարսկահայը այսօր պատկառանքով է յիշում:

Պարսկահայերիս մտաւոր վերածնութիւնը սկսուած է շատ մօտիկ անցեալից. հազիւ տասնհինգ — քսան տարի լինի որ նա զգացել է առաջադիմութեան կարիքը: Բայց այդ կարիքը միայն զգացել է կենդրոնավայրերում, ուր կան որոշ թւով հայեր, օրինակ՝ Թաւրիզը, Թէհրանը և փոքր ինչ էլ Սալմաստի գաւառը. իսկ միւս գաւառական հայերը գրեթէ գտնուած են աննախանձելի, ողորմելի կացութեան մէջ. որպիսիք են՝ Մարաղա, Միանդաբ, Սովուճբուլաղ, Սուլդուզ և այլն: Ես՝ անձամբ մի քանի տարիներ գտնուելով այդ գաւառներում՝ (Սուլդուզ, Սովուճբուլաղ եւ Միանքաբ) վերջը եկել եմ այն եզրակացութեան, որ եթէ դրական միջոցներ ձեռք չառնուի՝ այդ տեղերում գտնուող հայերին արդէն կորած պիտի համարել, որոնք հետզհետէ ձուլուած են տիրող քուրդ տարրի հետ: Արպէսզի ազգի առաջադիմութեան նախանձախնդիր անհատներն աւելի որոշ գաղափար կազմեն այդ գաւառներում գտնուող հայերի վրայ՝ մենք ժամանակին կրտանք մի քանի պատկերներ դրանց կեանքից: Իսկ ներկայ յօդուածով խօսքներս պիտի մասնաւորենք Մարաղի հայերի վրայ, որովհետև Մարաղի հայը թէ թւով և թէ կրթութեամբ միւս գաւառների վրայ գերիշխան է հանդիսանում:

II

Մարաղա քաղաքը գտնուած է Ատրպատական նահանգում, Արմինոյ ծովակի հարաւ-արեւելեան կողմում: Քաղաքի հիւսիսային կողմում բարձրացած է Սահանդ գագաթը, որ Ջագրու լեռնաշղթայի արեւելեան ճիւղի ամենաբարձր կէտն է, որ 11,000 ոտնաչափ բարձրութիւն ունի ծովի մակերևոյթից: Քաղաքը զետեղւած է երկու բլրակների մէջտեղում արևմտեան և արևելեան կողմից. իսկ հիւսիսային կողմից, ինչպէս ասացինք, բարձրա-

ցած է Սահանդը: Հարաւային կողմում ձգւած է մի ընդարձակ դաշտավայր, որի վերջաւորութիւնը ծածկւած է ծովով: Քաղաքը շատ ջրառատ է, բազմաթիւ աղբիւրներով, առուներով և գետերով, որոնք սկիզբ են առնում Սահանդից: Ամենամեծ գետը կոչուած է Սոֆի, խիստ սրնթաց է և անուշ ջուր ունի, որ ուղիղ քաղաքի արևմտեան պարիսպը շոյելով թափուած է ծովը քաղաքից տասն հինգ վերստ հեռու: Մարաղան Պարսկաստանի վաճառաշահ քաղաքներից մէկն է, զարգարած բազմաթիւ այգիներով և բուսականութեամբ: Ամենագլխաւոր բերքը՝ սաբզա կոչւած չոր չամիչն է, որ տարէնը մօտաւորապէս 600,000 պուղ արտադրուած է Ռուսիայում: Երկրորդական տեղը բռնում են՝ կեարծեանը, սալորը, ընկոջը, նուշը և պիստակը, որոնք նոյնպէս Ռուսիա են գնում:

Կլիման կարելի էր բարեխառն համարել, եթէ չլինէր ամառայ օթթի առաւելութիւնը: Բնակիչը թէև աշխատաւոր մշակ է՝ բայց դրանց ֆիզիկական կազմաձևը խախտել է աֆիոնի թոյնը, (այդ ախար միայն պարսիկների մէջ է տարածել). արական սեռը միանգամայն վտիտ ու կմախքացած է, իսկ ընդհակառակը իգական սեռը առոյգ և մտտ է: Մօտաւորապէս 50—60 հազար բնակիչ ունի, որից միայն 1000-ը հայ է, իսկ մնացածը՝ պարսիկ: 1000 բնակիչ հայերից՝ 100-ը Թաւրիզից և այլ քաղաքներից նորեկներ են, որից մի քանիսը պարսպում է դերձակութեամբ, ոսկերչութեամբ, իսկ մնացածը վաճառականութեամբ: Ի դէպ է ասել՝ որ սաբզի սեզօնը սկսելուց (սեպտեմբերից) նորեկ վաճառականների թիւը գրեթէ հաւասարուած է տեղացի բոլոր հայերին: Մնացած 900 բնակիչը բնիկ Մարաղացիներ են, որոնց մեծամասնութիւնը պարսպում է հիւսնութեամբ, որ սաբզի համար արկղներ են պատրաստում, մի մասը՝ հրացանագործութեամբ, մի մասը քարտաշութեամբ և ջրաղացականութեամբ:

Ե. Արամեան



գ ե դ ա Ր ւ ե ս

Թասրան, Երամասուրիւն

Հայկ. ներկայացումներ շուում

Չաբաթ, յուլիսի 25-ին ի նպատակ պ. Օհանեանի խաղացին առաջին անգամ «Կեանքի Խնջոյնում» 4 գործ, դրաման հեղ. Ալեքսանդրովի, թարգ. Պապեանի:

Պիեսի գլխաւոր հերոսի՝ Խոտնէի դերը կատարեց պ. Օհանեանը: «Կեանքի Խնջոյնում» պիեսը ունի շատ առաւել կողմեր. հեղինակը նրա մէջ դաստիարակութեան հարց է շօշափում: Պիեսի բովանդակութիւնն այս է.—Խոտնէը (պ. Օհանեան) խելագարի պէս սիրում էր իր կնոջը՝ Ելենային (Օր. Վարդիթեր): Ելենան, շնորհիւ իր պառաւ, բարոյապէս փչացած կոկէտ մօրը (տ. Ջաբէլ), ստանում է վատ դաստիարակութիւն և այդ բարի ձգտումով օրիորդը մօր ազդեցութեան ներքոյ՝ մի թեթեւամիտ, թուրք բնաւորութեան տէր կին է դուրս գալիս: Մինչդեռ նրա ամուսին Խոտնէը դրական մարդ էր և միշտ զբաղւած լինելով տնտեսական գործերով ժամանակ չէ գտնում կնոջ ժառանգած վատ յատկութիւնները ուղղելու: Նա երբէք չէր հաւատում, որ իր կինը անհաւատարիմ կարող է գտնուել: Խոտնէի սիրելի ընկեր բանաստեղծ Սիսիը (պ. Պետրոսեան) շուտ-շուտ յաճախում էր իր ընկերոջ տունը և Ելենային զբաղեցնում էր. յաճախ գետի վրայ նաւակով զբօսանք էին կատարում: Թէև Խոտնէի ծառան աշխատում էր իր տիրոջ մէջ կասկածներ առաջացնել դէպի իր կինը, բայց նա չէր հաւատում մինչև որ սեպհական աչքերով չըտեսաւ Ելենային Սիսիին հետ համբուրելիս: Ելենան ապահարզան է առաջարկում Խոտնէին և մի առ ժամանակ ապրում է Սիսիին հետ: Սակայն վերջինս էլ, երբ նրա պահանջներին չէ կարողանում բաւականութիւն տալ, Ելենան թողնում դրան ևս, սպաւ իբրև հարձ ապրում է հարուստ գործարանատէր Իերգունովի հետ (պ. Վրոյր): Ելենան թէև նրան ատելով ատում էր, բայց շնորհիւ նրա ոսկիների, մի կերպ կեանքը քարշ է տալիս: Վերջապէս Խոտնէը այդ բո-

որը լուծւում է. երկար ժամանակով հիւանդանում է և մինչև անգամ խելագարի աստիճանի է հասնում. Սիրող սիրտը չէ կարողանում հանգիստ ապրել, վճռում է գնալ Ելեկայի մօտ: Ելեկան ընդունում է նրան և նրա հրամանով Դերգունովը սենեակից դուրս է գնում ու իրանք մնում են մենակ: Այդ տեսարանում Խոսնեւը խոստանում է մոռացութեան տալ ամեն բան, և խնդրում է Ելեկային կրկին վերադառնալ կեանքի խնջոյքը և ապրել այնպէս՝ ինչպէս որ առաջ էին ապրում: Սակայն ամուսնու առաջ արդարանալու համար մեղադրում է իր մօրը, որ այդպէս է իրան դաստիարակել և իր դժբախտութեան պատճառը միայն մօրն է համարում. բայց և այնպէս մերժում է Խոսնեւի խնդիրքը. այդ միջոցին Խոսնեւը խելագործի նման սպանում է Ելեկային ասելով. «Ոչ, ես խելագար չեմ, ես քեզ չապանեցի, այլ դու ինձդ քեզ սպանեցիր»:

Պ. Օհանեսանը Խոսնեւի դերը չաջող կատարեց: Պ. Մամիկոնեանը այն տեսարանում, որ պիտի հարաւորեի բժիշկներին, փաստաբաններին և վաճառականներին, չըջողըցեցաւ նրան. նա չըկարողացաւ նենգամիտ, խարդախ, ինտրիգանտի տիպ ստեղծել: Վատ չէր օր. Վարդիթերը. միայն իրական դերեր խաղալու ժամանակ հարկաւոր է մի քիչ աշխատանք գործ դնել: Հասարակութիւնը մի քանի անգամ ճափահարութեամբ բենեֆիցիանտին բեմ հրաւիրեց և նրա խաղը վարձատրեցին դրամական ընծայով և թարմ ծաղիկները մի փունջով: Այդ երեկոյեան բոլոր տոմսակիները վաճառւած էին. հասարակութեան թատրոնը դրաւելուն ոչ սակաւ նպաստեցին «պարտեր», որ ներկայացումից չետոյ տւեցին մինչև ժամը 3-ը:

— 2որեքշաբթի, յուլիսի 22-ին, ի նպաստ պ. Մամիկոնեանի խաղացին առաջին անգամ «2արագուսակ Բայլ» պիեսը: Բենեֆիցիանտը պիեսի գլխաւոր Պեչորիցի դերն էր խաղում: Թէև նա ըմբռնել էր իր դերը, բայց չըկարողացաւ պատկերացնել մի սաքարիւն, տղայամիտ մարդու պատկերը: Այդ տեսակ պիեսը գաւառական բեմի վրայ չըպէտք է գնել. ներկայացման մի քիչ կենդանութիւն էր տալիս օր. Վարդիթերը: Կաւ էր նոյնպէս և ա.

Ջաբէլը: Ներկայացումից չետոյ օր. Մարի-ճրանուշը և պ. Պետրոսեանը չաջողութեամբ կատարեցին «Միկիկ» վողբիլը: Դահլիճը ճայրէ ի ճայր լի էր: Պէտք է նկատել որ թատրոնի հասարակութիւնն իր ժամանակին չեն գնում իրանց տեղը նստելու. այսպիսով իրանց անկանոնութեամբ խանգարում են միւսների ուշադրութիւնը:

Աղ—Բար

Ք Ն Ն ա դ ա ս ա կ ա ն

Իրականութիւն եւ մտուշ

Վիշառ անգլիական ընկերութեան նախահանքը Բագում այրելով, մի խումբ բանւորներ հերգեհին զոհ դարձան: Ընկերութիւնը, որպէս վայել է քաղաքակիրթ տնտեսական հիմնարկութեան, կամաւոր կերպով յանձն է աւել նիւթապէս ապահովացնել անբախտացած բանւորների ընտանիքները, մի բան, որ Բագուի միւս արդիւնաբերողների կողմից սովորաբար անուշադիր է թողնուում: Այդ առիթով Կառնի լրագիրը նկատում է.

«Մի կողմից՝ մենք գործ ենք փնտնում եւրոպական զարգարանքի ամենանուրբ արտագրութիւնները և օտար հնարագիտութեան ամենակատարեալ շինւածքները, իսկ միւս կողմից՝ չենք իւրացրել կեանքի ամենատարրական սկզբունքները, առանց որոնց չէ կարող կանգուն մնալ ոչ մի գործունէութիւն, ինչպէս և տնտեսականը: Մենք ունինք մտաւորապէս զարգացած փոքրամասնութիւն, որ լուրջ կերպով դատողութիւններ է անում բարձրագոյն աւարկանների և առաջդիմական սկզբունքների մասին, բայց միևնույն ժամանակ մեր աշխատաւոր ազգաբնակչութեան անթիւ բարձրութիւնն աշխատում է խաւարի մէջ, ուր չէ թափանցել գիտութեան և մտքի մի հատիկ ճառագայթ»:

Նոյն խնդրի մասին արդար լուրջ մունք է արտայայտում Մեակր ասելով՝

«Բայց բարոյական պարտաւորութիւնները չեն հասկանում տգէտ, թերուս տեղացիները, որոնք բանւորի վրայ նայում են թէ բանւորը, ստանալով վարձ իր թափած քրտինքի համար, միևնույն ժամանակ ծախում է գործատիրոջ իր սնձը, իր ընտանիքը: Այդ անմիտ հասկացողութեան արգիւնքն այն է, որ տեղացիների գործարանում վնասւած բանւորները կամ պէտք է լուռ ու մունջ մնան, կամ թէ մի վարձատրութիւն ստանալու համար տարիներով մաշեն դատարանի շէմքը, մրցեն գործատիրոջ հմուտ փաստաբանների հետ»:

Բայց մենակ Բագուն չէ, ուր բանւորի դրութիւնը խիստ աննախանձելի է: Ինչպէս երևում է, մեր ընդհանուր հայրենիքի շատ անկիւններում բանւորի դրութիւնը բարւոքման կարօտ է: Ահա թէ ինչպէս է նկարագրում «ՌՄՅՅԻՅ Ի ՍՊԷ.» այն բնակարանները, ուր ապրում են կիւեի բանւորները:

«Իժաւր է երևակայել մի աւելի հակառոյշական բան, քան այդ բնակարանները: Յաճօր, փոքրիկ սենեակներ, շատ փոքրիկ լուսամուտներով: Պատերի վրայ կառուցած տախտերը բաժանում են սենեակը երկու չարկի, տախտերի արանքում մնում են նեղ անցքեր: Այդ որջերի մէջ գիշերում են հարիւրաւոր անտէր մարդիկ: Սրանք պարկուտ են տախտերի վրայ միմեանց կպած, որովհետև այստեղ իւրաքանչիւր վերջով տեղը գին ունի: Նոյնպէս լցւած են մարդկանցով տախտերի տակերը և անցքերը: Ոտք դնելու տեղ չըկայ, բոլորը լիքն է մարդկային մարմիններով, ուր պառկում են զանազան ձևերով և հագուստներով: Օրը այստեղ այն աստիճանի փչացած, խեղդող, պղտորւած է, որ նոր ներս մտնողը հագիւ կարող է ոտների վրայ կանգնել և անըզգայ չըդառնալ» և այլն և այլն:

Ինչ անել ուրեմն, միայն գումարատէրերի «Բիւսոնեական» զգացմանց ապաւինելով, մեծ արդիւնք չի ստացել: Հարկաւոր է ինքնօգնութիւն զարգացնել մեր աշխատող դասակարգերի մէջ: Այդ տեսակէտից ուրախալի է հեռուեալը, որ հաղորդում է «ՅՊՐՔ. ԵՅԷ.» թերթի Խարկովի թղթակիցը.

«Խարկովի գործարաններում և երկաթուղու արհեստանոցներում աշխատող վարպետների թիւը 10 հազարի է հասնում: Այդ արհեստաւոր բազմութիւնը, չընայելով իր ամենաճանր աշխատանքին, բոլորովին ոչնչով ապահովւած չէ, և նրա ապագան ըստ մեծի մասին շատ տխրալի է լինում: Ու ստի այս օրերս Խարկովում հիմնւած արհեստաւորների փոխադարձ օգնութեան ընկերութիւնը վերին աստիճանի համակրելի հիմնարկութիւն է: Անկասկած է, այդ ընկերութիւնը, որ առաջինն է Ռուսիայում, շուտով կունենայ հազարաւոր անդամներ»:

Եթէ աւելացնենք և այն, որ մեր բոլոր քաղաքներում, օրէջօր աւելանում է արհեստաւորների թիւը, կրտեսենք, որ նրանց դրութեան բարւոքումը շատ մեծ նշանակութիւն ունի:

«Վերջին ժամանակները—նկատում է C. Her. ԵՅԷ. լրագիրը—Պետերբուրգը աւելի ու աւելի ապաստարան է դառնում սեփականագուրկ դասակարգի համար, որ անդիմադրելի ոչնչով ձգտում է դէպի այն-

տեղ, չուսալով որ և է աշխատանք գտնել: Եւ իսկապէս, մինչդեռ ուրիշ դասակարգերը աւելացել են վեց տարւայ ընթացքում միայն 6 տոկոսով, գիւղական դասակարգը աճել է 30 տոկոսով»:

Ահա ուրեմն ուշադրութեան արժանի, ծանրակշիռ խնդիրներ, որոնց լուծելու համար գլուխ է հարկաւոր, ոչո՛ք է հարկաւոր, եռանդ է հարկաւոր: Իսկ մեր մամուլը բան ու գործը թողած՝ զբաղուում է շարունակ ինչ որ քահանայական-եկեղեցական հարցերով: Զարմանալի բան է: Այդ մամուլը, որ մի ժամանակ այնպիսի ինքնավստահութեամբ բացականչում էր, թէ հասարակական-քաղաքական լրագիրը կրօն չունի, այժմ ամբողջովին եկեղեցական ֆարաջաց է հագել և կաշիից դուրս է գալիս ապացուցանելու համար .. թէ ինչ, ինքն էլ չըզիտէ: Ամենքն էլ ինչ որ բարբաւում են, առանց զիտենալու թէ խնդիրը ինչու՞ն է: Կիսակիրթ տղաներ, զեռահաս ուսանողներ, թերուս պատանիներ առանց զիտութեան տարրական սկզբունքների, առանց կեանքի ու մարդկանց մասին մի դրական գաղափար ունենալու, գրիչ են վերցնում և լուծում են տալիս համաշխարհային, տիեզերական խնդիրներին, որոնք ի դէպ է ասել՝ մի առանձին նշանակութիւն էլ չունեն հայ ժողովրդի ներկայ և ապագայ կեանքի համար: Եւ որ հետաքրքիրն է, ոչ ոք չէ հասկանում ոչ իր ասածը և ոչ հակառակորդին: Բացառութիւն կազմողները թող ներեն մեզ:

Տ Ե Ղ Ե Կ Ա Գ Ի Ի

Իգմիրեանց կսակի գործադիր Բնայուն Յանձնաժողովոյ ի ժ. Խանդիսի Սահակ Մետուպեան մրցանակաբաշխութեան, ի 25 յունիս, 98:

(Վ Ե Ր Չ)

Յանձնաժողովս վերոգրեալ եօթն երկասիրութիւնները նախապէս և ըստ օրինի նախաքննութեան ենթարկեց, և հետաքննին խուզարկութեամբ եզրակացուց թէ,

Առաջինը՝ Խաչատուր Յովհաննէսեանցի «Բեւեռագիր արձանագրութիւններ»-ն օտար լեզուէ պարզ թարգմանութիւն մ'է:

Երկրորդն՝ Ե. Լալայեանցի «Վարանդան» հեղինակի մը ամբողջ աշխատութիւնը չէ, այլ հաւաքածոյ հրատարակութիւն մը, և

Երրորդն՝ Ե. Զահաղիցի «Միխայել Նալբանդեանցն» և

Չորրորդը՝ Ն. Տ. Կարապետեանի «Խաչատուր Արուիւթեան», ուղղակի Ազգ. Գրականութեան նպաստով գործեր չեն, այլ մասնակի կենսագրութիւններ, որոց վրայ այլ և այլ անձանց կողմէ նմանօրինակ հրատարակութիւններ եղած են արդէն:

Յետևաբար կտակին նպատակին անշարժար գտաւ սոյն չորս հրատարակութիւններն և պատշաճ չըդատեց մրցման քննութեան ենթարկել գանտնք, ինչ որ ըրաւ միւս երեք երկասիրութեանց համար:

Հինգերորդ՝ Տէր Մովսէսեան Տ. Մետուպ Վարդապետի «Սոկրատայ Սեդախիսի Եկեղեցական Պատմութիւն»-ն յանձնեց Գրքեկանուց փոխտեսուչ Տ. Աղան Ծ. Վ. ի Համամեան, որ տարուցս մարտ 16 թւակիր ընդարձակ տեղեկագրով մը ներկայացուց իր քննադատութիւններն ու զիտողութիւնները:

Հնուտ քննիչն այդ տեղեկագրով մի առ մի չառաջ կրբերէ Տէր Մովսէսեան վարդապետի Սոկրատայ եկեղեցական պատմութիւնէն քաղած խնդիրներն և Խորենացուց հետ բաղդատութիւններն, և կրգանէ թէ՛ չէ կրցած ըստոյզ և վերջնական եզրակացութիւններ ներկայել, այլ խնդիրներն անլուծանելի թողած է, և կրյաւելու թէ՛ «Արդարև գեղեցիկ ձեռնարկ մ' է ձևաօթացնել հասարակութեան մեր նախնեաց գործերն, և անոնց մէկ քանիներու մասին վերջերս չերևան եկած թեր ու դէմ կարծիքներն ուղղել. բայց ամեն բան իրան հաստատուն հիմք պիտի ունենայ, որպէս «զի կարենայ մէկն իր շէնքն կառուցանել այդ հիմին վրայ: Պատմական խնդիրներով զբաղողներու համար «կարևոր է այդ: Այս տեսութեամբ «ներևի մեզ ըսել թէ Մետուպ Վ. ի «գրութիւնը պատմական իրերու մասին շատ անգոր է: Եւ ինչ որ բաղձալի էր անոր մէջ գտնել, այն չենք գրտներ: Սոկրատայ եկեղեցական պատմութիւնն անբաւ նիւթ է մեր մատենագրութեան համար, մանաւանդ «Վոտրն, որոն մէջ մեր նախնեաց «թարգմանութիւններէն շատ մը կտորներ և յաւելածներ կրտեսնենք: «Մետուպ Վրդ. այդ գիրքն իր ամեն մասերովն ուշադրութեան առարկայ չըրած չէ, իր գրածը շատ սեղմ է, «կատարեալ ուսումնասիրութիւն չենք «կարող համարել զայն»:

Վեցերորդը՝ Տ. Բագէն Ծ. Վ. ի «Նդիեկն» յանձնեց իսկ Մատթիա Ա. Գարագաշ էֆէնտիի, և սորա իր անձնական տկարութեան համար հրատարակելն չետոյ. յանձնեց Թէրգեան Թովմաս էֆ. ի որ Ապրիլ 4 թւակիր քննական տեղեկագրով մը պարզած է իր տեսութիւններն, և կ'եզրակացնէ:

«Ամիոփելով մեր տեսութիւնն այս ընտիր երկասիրութեան վրայ, պիտի «ըսենք որ իր նուրբ և խոր հայեցողութեամբ, իր նորանոր լուրջ խուզարկութեամբ, իր ընդարձակ տեսութեամբ և զգոն խորհրդածութիւններով, ազգային աւանդութեանց և ի մասնաւորի սխարլոյն «Նդիշէի ամեն հետամուտ անձանց ընթերցման արժանի է. և փափաքել կուտայ որ այս օրինակ այլևս գրութեամբ արդոյ հեղինակը ճոխացնէ «մեր մատենագրութեան քննադատական ճիւղը: Իուցէ ուրեք ուրեք ամեն ընթերցողը համակարծիք չըզուեն իրան— և այս իսկ է ընդհանրապէս քննադատութեանց ճակատագիրը,—բայց ոչ ոք պիտի ուրանայ «որ երիտասարդ հեղինակն ո՛ր է յոգնութեան—որչափ տաժանելի ալ են «թագրւի—խոյս տւած չէ իր գործն «ամբողջացնելու համար:

«Աւստի ի նկատի առնելով այն հրատարակեալ շարակարգութիւնն, հայեցողութեանց սրութիւնն ու խորութիւնը, տեսութեանց նորութիւնը, զգուշաւոր խուզարկութիւնները, կորովալի քննադատութիւններն որովք չլոյժ օգտակար և հետաքրքրաշարժ կրհանդիսանայ այս գործն, ըստ իմ խոնարհ կարծեաց զայն արժանի կրհրատարակեմ առաջադրեալ մրցանակին»:

Եօթներորդն՝ Տ. Մուշեղ Ծ. Վ. ի «Գրիգոր Նաբեկացի»-ն յանձնեց Աշրտեան Տ. Խորէն Սրբազանի, որ Ապրիլ 7 թւականաւ չղած է իր քննական տեղեկագիրը:

Ն. Սրբազնութիւն այս տեղեկագրով ի վեր կրհանէ գործին գերակշիռ առաւելութիւնն ամեն տեսակէտով, և կրգովէ երիտասարդ վարդապետին զգալուն և չուզեալ շէշտերով և ի հմտութեամբ այս աշխատասիրութիւնն, արդիւնք անոր հոգեսիրական և մաքուր կրթութեան, բայց երկասիրութեան բոլոր առաւելութիւնները ցուցնելն չետոյ, եզրակացութիւնն և դատատանը զանց կրնէ և կրթողու Յանձնաժողովոյս:

Արդ Գործադիր Յանձնաժողովս կատարած սոյն քննութեանց տեղեկագրերն մի առ մի նկատողութեան առնելէ չետոյ, ինքն ևս վերջնական քննութիւն մը կատարեց իւր անդամակցաց ձեռօք, և ըստ ամենայնի արժանի դատեց Սահակ—Մետուպեան Սրբանակին Նդիեկ և Գրիգոր Նաբեկացի սոււար և բազմաշխատ և արդիւնաւոր գործերն: Եւ թէպէտ մրցանաւակի սահմանեալ պարգևն ըստ կտակի տարեկան շուրջ 60 ոսկի է, սակայն յանձնաժողովը ի նկատի առնելով վերոյիշեալ երկու գործոց կարևորութիւնն ու անհամեմատ առաւելութիւնն, և նախընթաց տարիներէ տրամադրել մնացած գումարներու մասերը, պատ-

շան համարեց իւրաքանչիւրին 40 ոսկի պարգև տահմանել, ի քաջաբեր և ի արիտուր ջանից մեղաջան աշխատասիրողաց:

Ահաւասիկ, Տեառք, ասոնք են ներկայ տարեշրջանի Սահակ—Մեսրոպեան Մրցանակաբաշխութեան արդիւնքն, և լիալոյս ենք որ չետ աչտու նորանոր արդիւնաւոր աշխատութեամբք առաւել ևս պիտի փայլի Ազգային Դպրութեան տաճարն, և Հեղինակք պիտի արժանանան Բարեփառաւոր Յովսէփ Իզմիրեանցի Մրցանակին, և շնորհաց Մրցոց Թարգմանչացն Սահակայ Հայրապետի և Մեսրոպայ Վարդապետի, մեր երջանկալիշատակ հարց, գորս կրտսնէ աչսօր հայ. Ս. Եկեղեցին:

ՅԱՐՁՐԱԳՈՅՆ ԿԱՐԾԻՔ

Կովկասեան դպրոցական շրջանի հոգաբարձուն տեղեկութիւն է ստացել թէ բարձրագոյն հրամանով նախարարների կոմիտետին ամենահպատակօրէն ներկայացրած հաշւետուութեանց վրայ նշանակւած են հետեւեալ բարձրագոյն նկատողութիւնները Քուլթայիսի և Երևանի նահանգներին վերաբերեալ 1896 թի համար. Քուլթայիսի զինուորական նահանգապետի հաշի մէջ, թէ ժողովրդական լուսաորութիւնը Քուլթայիսի նահանգում նկատելի կերպով տարածւում է և նրա հետ միասին տարածւում են ազգաբնակութեան մէջ և ուսական քաղաքացիութեան լուսատու սկզբունքները՝ Մխթարալիան է, Իսկ Երևանի նահանգապետի հաշի մէջ, 1) թէ նահանգի իգական ազգաբնակութեան մէջ լուսաորութիւնը տարածւած է շատ աւելի թոյլ կերպով, քան թէ արականի մէջ, Նորին Մեծութեան հաճելի է եղել իր ձեռքով ստորագրել, և 2) այն ցուցման դիմաց թէ շատ ցանկալի է բնականացնել մի քանի քրդական համայնքների խնդիրը նրանց համար դպրոց բանալու մասին նշանակած է «Անկասկած»: Յետոյ Թիֆլիսի նահանգապետի ամենահպատակօրէն հաշւետուութեան մէջ, 1) այն զեկուցման կից, թէ ազգաբնակութիւնը սիրով է վերաբերում դէպի այն դպրոցը, որ տալիս է երեխաներին տնտեսական և արհեստագիտական կրթութիւն և վստահութիւնը դէպի այդպիսի դպրոցը աճում է, հասկանալի է և 2) այն զեկուցման մօտ, թէ ժողովրդի մէջ

ոստանանկութիւնը, ձեռագործը և մանուկ բարձրացնելու և զարգացնելու համար ենթադրում է կազմակերպել մի քանի դպրոցներին կից, Գորիի և Թելաւի գաւառներում՝ նշանակւած է «Նոյնպէս օգտակար է», ըստ որում «մի քանի իգական դպրոցներ... և ոստանանկական բաժիններ» խօսքերը Նորին Մեծութեան հաճելի է եղել իր ձեռքով ընդգծել:

Նախապահարանութիւններ Մուկայում Ալեքանդր II-ի արձանի հանդիսաւոր բացման համար

Մուկայի առանձին արագութեամբ սկսել է պատրաստել առաջիկայ հանդիսաւոր օրերի համար. Մուկայի արհեստանոցները աշխատանքով ծանրաբեռնւած են: Զգացում է պակասութիւն հրապարակութեան հարկաւոր լապտերների և այլ պարագաների մէջ: Հրապարակութեան վերաբերող շատ պատուէրներ չեն կարող կատարել:

—Սկսել են Մուկայ հասնել արտասահմանեան լրագրների և ամսագրերի թղթակիցներ և զանազան գեղարեստագէտներ հանդէսներին մասնակցելու համար:

—Օգոստոսի 7-ից կրկնեն գալ զօրքերը Պետերբուրգից Մուկայ:

—Ի նկատի ունենալով, որ բազմաթիւ բարձրաստիճան անձինք են հրաւիրւած, այն աստիճանաւորը, որ կատարում է Մուկայի պալատական վարչութեան կից եղած ախտաչին մասը, ներկայումս արդէն վարձել է 4000 զոյգ ձիաներ:

—Պալատի կողմից հրաւիրւած անձնաւորութեանց համար, Մուկայի պալատական վարչութիւնը վարձել է 100 №-ներ «Մաւրնակալան շուկայ» կոչւած հիւրանոցում:

—Կայսր Ալեքսանդր II-ի արձանը բացւելու օրից սկսեալ Մուկայի Կրեմլում կընշանակէ պալատական գրեմադերների մշտական օրապահութիւն, որպիսին գոյութիւն ունի Պետերբուրգում Կայսր Նիկոլայ I-ի արձանի մօտ:

ԿԱԼԷՅԴՈՍԿՈՊ

Օգոստոսի աղէտները: Երկրաշարժ: Կարկուռ: Մորեխ: Հեղեղ: Հրդեհ: Խորաւայրակ: Մարդկային զոհեր:

Տրոպիկական չուլիտեան շոքերին չաջորդեց շատ զով, կատարեալ աշնանալին եղանակով օգոստոսը, որ սակայն հէնց առաջին օրից հետք բերաւ մեր երկրի համար զանազան տեսակ աղէտներ:

Երկրաշարժի ուժգին երկու հարւածներ, օգոստոսի մէկին, առաւօտեան երեք ժամին ցնցեցին մեր երկրի բոլոր կողմերը: Մի քանի տեղ փուլ են եկել շինութիւններ, տների պատերում բացւել են ձեղքաւածներ:

Օգոստոսի 3-ին, երեկոյեան կարկուտը ոչնչացրել է Գանձակում խաղողի այգիները. վնասը կէս միլիօնի է հասնում: Հայն է ծոյլ գանձակեցիներին, ինչու չեն ապահովացնում այդ տեսակ աղէտներից իրանց հանգր: անդաստանը, այգի ու բանջարանոցը:

Դարձանում ահապին քանակութեամբ մորելս է երևացել: Դերբենդից դէպի Կրասնաւօզսկ անցնելիս նրանք այնքան սոււար բանակով են եղել թռչելիս, որ արեւի առաջը կտրել են և մի քանի վերստ երկիրը խաւարացրել: Այդ մորելները եթէ այս տարի զգալի վնաս էլ չըհասցնեն մեր գիւղացիներին, այնուամենայնիւ գալ տարւայ վնասը ակներև է, եթէ չլիւիչացնեն նրանց աճած ձուաները:

Ղլարում Տայովկա կոչւած մասում գետը պատու է պատնէշը, ջուրը թափւում է քաղաքը հեղեղելով այգիները:

Բագուում Ալիշաուի նաւթահորերն են այրւել, աղէտին զոհ տալով մի քանի բանւոր մշակներ և ահագին հարստութիւն՝ նաւթի պահեստներ կրակին ճարակ արել: Այդ ընկերութեան կառավարիչը Լոնդոն հաղորդելով իրանց վարչութեան այդ պատահարի մասին, հեռագրով ստացել է լիազօրութիւն այդ ընկերութեան անունից չաչանելով զոհերի ընտանիքներին մխիթարանք, հողեպէս նրանց վշտին մասնակցութիւն և բացի այդ նիւթապէս նրանց բոլորովին երաշխաւորելու առհաւատչեսներ:

Նիժնի-Նովոգորոլում էլ հրդեհը լափել է աստաճահաճոյ մի հիմնարկութիւն: Մուկալիշնիկովի աշխատասիրութեան բանւորների տունը բոլորովին այրւել է, մոխիր դարձրել այնտեղ ապաստարան գտած անգոր ծերուկներին:

Թիֆլիսում պոստ-հեռագրատան շինութեան վրայ բանով հայաստանցի և պարսկաստանցի եօթ մշակներ աղիւս բարձրացնելիս, օտների տակի ժամանակաւոր պատանդանի դերանները փտած լինելով կտորում են և թշուա բանւորներին, մահամերձ վերաւորում:

Ի պ ր ո ճ ա կ ա ն

Թիֆլիսի Յովնանեան գպրոցի շինութիւնը, գոչքը, դրամական կարողութիւնը և նրան պատկանող քարէան սարան յանձնեց այս օրերս ժողովրդական դպրոցներէ տեսչին:

— Կիևի բազմաբնակեան գպրոցի բացումը վճուած և ծանուցում է: Պրոֆէսորների պատրաստութեան համար, երեք տարւայ ժամանակամիջոցում, նշանակւած է 72,000 ռուբլի, ուսանողներին կենսաթոշակ տալու համար՝ 15,000 ռուբլի իւրաքանչիւր տարի: Պրոֆէսորներին նշանակում է ելեմտի նախարարը: Դպրոցն ունենալու է 23 իսկական պրոֆէսորներ և 12 արտաբոյ կարգի պրոֆէսորներ:

— Դպրոցական վարչութիւնը հարց է ծագեցրել՝ հիմնելու բոլոր ժողովրդական գպրոցներէ տեսչութիւններին կից ուսուցիչներին օգնող ընկերութիւններ:

Լ Ո Ւ Ր Ե Ր

Այսօր Կոչորից կրկնաբար նայ Թիֆլիս Կովկասի Իշխ: Կառավարչապետը և այսօր էլ կ'ուզէ որի Մոսկւա Ալեքսանդր II-ի արձանի բացման հանդիսին ներկայ գտնելու:

Չուշուց մեզ գրում են. «Այստեղ պաշտօնապէս հեռագիր ստացւեց, որ Աեհափառ Կաթողիկոսը Տաթևից մի քանի օրից յետոյ կըբարեհաճէ շնորհ բերել Չուշի: Այս ստիժով գաւառապետը յայտարարել է, որ Աեհափառի ժամանելու ժամանակ քաղաքը զարդարեն գրօշակներով, դորդերով, երեկոները լինի հրավառութիւն և այլն»:

Տարագի հետեւեալ №-ը՝ Ս. Աստուածածնայ կիրակէին, յոյս չի տեսնիլ, թէ այդ տօնի պատճառով և թէ նրա նախընթաց օրը՝ շաբաթ, Ս. Էջմիածնայ տօնի առիթով, որ տպարանը փակ կըլինի:

Թերթիս խմբագիր Տ. Նազարեան այսօր մեկնում է Մոսկւա, ուր ներկայ կըլինի Ալեքսանդր II Կայսր արձանի հանդիսաւոր բացման և ապա Պետերբուրգի վրացով կ'ուղևորւի երկու ամսով արտասահման: Պ. Ս. Արասխանեանց կըխմբագրէ Տարագ-Աղբիւր մեր խմբագրի բացակայութեան ժամանակ:

Յայտնի է, որ ներկայ պատերազմում ամերիկացիները գործ էին ածում դիւնամիտի թնդանօթներ, որոնք փայլուն չաջողութիւն ցոյց տւին: Այժմ մտադրութիւն կայ ուսուսական նաւատորմի մի քանի նաւերի վրայ այդպիսի թնդանօթներ գործադրել:

Թիֆլիսում, մետաքսագործական կայարանին կից բացւում է մեղապահութեան ցուցահանդէս, օգոստոսի 15-ը սկսեալ: Յուցահանդիսին կարող են մասնակցել բոլոր ցանկացողները, կարելի է ցոյց դնել մեղապահութեան վերաբերեալ բոլոր առարկաները՝ փութակներ հանդերձ մեղուներով և առանց մեղուների, մեղապահական իրեր, մեղր, մոմ, մեղրաբոյսերի սերմեր և օրինակներ, մեղրից և մոմից շինւածքներ, քաղցրաւենիք, խմիչքներ, մուրաբա, դեղեր, նկարներ և այլն: Տեղերը տրւում են ձրիաբար: Մանրամասնութեանց մասին զիմել ցուցահանդիսի կառավարիչ Վ. Մ. Զանխին:

Պիրոզովի անունով կազմւած համառուսական ժողովի վարչութեան կից հիմնւում է առանձին յանձնաժողով՝ որ պիտի բնէ այն հարցը, թէ արդեօք հնարաւոր է հիմնարկել Ռուսիայում ժողովրդական առողջութեան նախարարութիւն:

Վճուած է բոլոր գիւղատնտեսական դպրոցներին կից հիմնել գիւղատնտեսական գրասենեակներ, որոնց պարտաւորութիւնը կըլինի ցանկացողներին հասցնել բարեկարգւած դործիքներ, մեքենաներ և սերմեր:

Մեր երկրի համաբաշին ջրերի այցելութիւնը տարէցտարի աւելանում է: Օրինակ ժելեզնուգոսկում անցեալ տարի այս ժամանակ եղել են 1600 այցելուներ, իսկ այս տարի 1800-ից աւելի է: Ուստի բնակարանների սաստիկ պակասութիւն է գրացւում:

Ներքին գործերի նախարարութիւնը կազմել է մի ծրագիր՝ գործարանական բանուրների կեանքը, առողջութիւնը և բարոյականութիւնը պահպանելու մասին: Ծրագրի կանոնները պարտաւորացուցիչ են գործարանների համար: Ծրագիրը դեռ ենթարկւելու է պետական խորհրդի բնութեան:

Անդրիական նաւակառօցներում ներկայումս պատրաստւում են մի շարք

չոգենաւեր ուսական ընկերութիւնների կամ մասնաւոր առևտրականների համար: Այդ բացատրւում է նրանով որ նոր է թողարտւած առանց մաքսի նաւեր բերել Ռուսիա: Կառուցող նաւերի մեծ մասը նշանակւած է Կասպից և Սև ծովերի համար:

Նորերս Պարիզում կայացած կաթոլիկ եպիսկոպոսների համաժողովում հայ-կաթոլիկ եպիսկոպոս Թերզեան ժողովի ուշադրութիւնը դարձրել է հայկական կոտորածների և առհասարակ հայերի դրութեան վրայ: Բաց ինչ է պահանջում ճառախօսը և ինչ դիտաւորութեամբ են հարցով հետաքրքրւում նրա ունկնդիրները, սա է զլխաւոր խնդիրը . .

Ստրասբուրգի միսիօնարական ընկերութեան կողմից ուղարկւած է աստուածաբանութեան դոկտոր Բոնբախ՝ հայ ժողովրդի գրութեան մասին տեղեկութիւն հաւաքելու համար: Միսիօնարը այժմ Էջմիածնում է, որտեղից պիտի գնայ դէպի Վան, Մուշ և այլ տեղեր: Ցանկալի էր որ օտարերկրացի միսիօնարները նայէին իրանց ուսումնասիրութեան առարկայի վրայ միայն ճշմարտութեան տեսակէտից, որոնք շատ ու շատ անգամ ոչ մի կապ չունեն նեղ միսիօնարական տեսակէտների հետ:

Դանձակից մեզ հաղորդում են, որ դիտաւորութիւն կայ հրատարակելու «Елисавет. Губ. Вѣд.» անունով մի պարբերական թերթ, նոյն նահանգի ստատիստիկական բաժնի պաշտօնեայ պ Սեդալի խմբագրութեամբ, հրատարակութիւն նահանգական վարչութեան Բացի աջ, պ. նահանգապետը կամենում է բանալ և տպարան ու այդ մասին գրապրութիւն է բացւած Բագւայ պ. նահանգապետի հետ ու տեղեկութիւններ են հարցրել թէ ինչ միջոցներով է բացել նահանգական տրպարանը և ինչ գումարներով է հրատարակում «Вак. Губ. Вѣд.»: Որքան մենք գիտենք, Բագւայ տպարանը բացել է հանգանակութեամբ:

Պետերբուրգի փողոցներում յայտնւել են Կովկասի մանրավաճառներ, որոնք ծախում են արծաթեայ ապարանջան

ներ, լուցկամաններ և այլ մանր առարկաներ Վովկասի վարպետների ձեռքից դուրս եկած: Առհասարակ կարելի է ասել, որ մեր երկրի ոսկեբեզուլները դեռ երկար ժամանակ, դուրս է միշտ կրկարողանայ մրցել եւրոպական գործարանների հետ: Այստեղ ներգործում են մի շարք տեխնիկական և տնտեսական պատճառները, որոնց արժէ ուսումնասիրել:

Բազմի վաճառականների մէջ միտք է ծագել՝ հիմնել Բագուում վաճառական վարչութիւն (Купеческая управа):

Խառն լուրեր

Կ. Պոլսում ուշագրութիւն են դարձրել այն հանգամանքի վրայ, որ բուլղարները և սերբերը մէջ պատահող ընդհարումների մէջ համարեա միշտ աչքի ընկնող դեր են խաղում երկու ազգութիւնների պատկանող ուսուցիչները: Ուստի մեծ վեցիւրը հրամայել է Մակեդոնիայի վայրերին այսուհետև գործել մեծ լրջութեամբ և պաշտօնից զրկել հրապարակագործ ուսուցիչներին, իսկ հարկաւոր դէպքում աքսորել: Այդ կարգադրութեան հիման վրայ արդէն աքսորւած են վեց ուսուցիչներ Փոքր-Ասիա Թուրքաց կառավարութեան համար շատ լաւ պատրուակ է՝ մաքրել Մակեդոնիան բուլղար և սերբ ուսուցիչներէն:

— Times լրագրի ասելով, Թէհրանում ընդհարում է տեղի ունեցել անղլիական և ուսական ազգեցութիւնների մէջ: Պարսկական կառավարութիւնը կամեցել է անղլիական գումարատէրերից փոխառութիւն անել, որի սպահովութեան համար առաջարկել է հարաւային Պարսկաստանի մաքսային եկամուտները, իսկ ուսաց կառավարութիւնը մէջ է խառնել և աւելի նպաստաւոր առաջարկութիւն է արել իր կողմից: Այս պարսկական կառավարութիւնը վճռել է հրաժարել մտադրւած փոխառութիւնից, և չբաշխանաւորել ոչ անղլիացիների, ոչ էլ ուսանների հետ:

— Այն լուրը թէ Ամերիկան հրաժարում է Ֆիլիպպինեան կղզիներից, զարհուրանք է առաջացրել աստամբուների պարագլուխների մէջ: Ազիւնայ գոն դիմեց անղլիական հիւպատոսին այդ առիթով, հիւպատոսը հաւատարմեց, որ նրանք կարող են վստահ լինել Ամերիկայի պատելի և արդարամտութեան զգացման վրայ: Ամերիկան բոլոր բանակցութիւնների մէջ հարցնելու է նրա համաձայնութիւնը: Նախ հարկաւոր է թօթափել սպանական լուծը և Ազիւնայ գոն պիտի ընխանդարէ այդ բանը:

— Ներկայումս Սոփիայում տեղի է ունենում մակեդոնական համաժողովը, որի առիթով «Pol. Cor.»-ի թղթա-

կիցն ասում է, թէ մակեդոնացիք լաւ են հասկանում, որ այժմ շատ քիչ չոյս կայ լայն ինքնավարութիւն ձեռք բերելու, որպիսին պահանջում են իրանց ծրագրով: Իսկ այժմ մակեդոնացիք պատրաստ են բաւականաչափ անկախի բարեփոխութիւններով, որոնք որոշ չափով կ'ազատէին բրիտանական ազգաբնակչութիւնը տաճկական լծից: Սրան կ'ստեն բարակ մանել...

— Ռուս. գործ. հեռագրում է, որ Ռոսիան ի պատասխան Դրան վերջին շրջաբերական ծանուցագրի վրձնական կերպով ընդգիծութիւն է չաչտնել կրեւէի թրքական գորբերի նորերը ուղարկելուն: Սոցաւում են, սր միւս գործակից երեք պետութիւններն էլ նոյնանման չաչտնարութիւն կրտան:

— Ամերիկական մամուլը սկսել է խիստ հետաքրքրել ուսուսնղլիական անհամաձայնութեամբ: Չինաստանին վերաբերեալ: «Վաղուց ժամանակ է՝ ասում է «Sun» լրագիրը, որ աշխարհը իմանայ, թէ Անղլիայի հետ միասին Ամերիկան էլ շահագրգռւած է Չինաստանի ազատ շուկաների հարցով և որ նրա շահերը վրտանգի են ենթարկւած ոչ միայն Չինաստանի այն մասերում, որ վրտան են Ռուսիան, Փրանսիան և Գերմանեան, այլ և Յանցի-Կեանցի հովտում: Ամերիկան մի քանի լրագիրների կարծիքով, չիքեալ փոսնգը ի նկատի ունենալով, պիտի իւրացնէ Ֆիլիպպինեան կղզիները:

մեր պատկերներ

ԳԱՋՏՆԱՆՈՅՈՒՄ

Արքունիսն ոչ թէ ձեռքի ձողով, այլ իր հմայող սեւորակ աչքերով գանձահարել է կատաղի գազանին, որին այդ օրը պահպանը մոռացել է ժամանակին նրա լաւը հասցնելու: Նրա մռնչիւնները լսելով սանձահարողը եկել է վաչքեմիմերին ուսուցանելու համբերութիւն:

ԱՂԵՌՈՒՄ ԿՈՍ

Ի՞նչ սքանչելի ընթացիկ կեանքի արշալոյս՝ մատաղ սերունդը՝ երկու աղջիկ բերել է աղբւրի մօտ: Վըխտում է զւարթ կարկաչներով երեք կեանք, բայց դէպի նւր: Արդ՞օք գեղանի կոյսը ընկերոջ հետ կարողանալու է տանել գովարար ջուրը չազեցնելու նրա ծարաւը, որ կեանքի ալիքներից թէև ուժասպառ՝ այնուամենայնիւ իր գոյութեան շարունակութիւնը տեսնում է այց նորաբողոք ժառանգների մէջ, թէ սպասածին կ'աչելով՝ սափորը փշուր փշուր է լինելու, մանուկների ոտները սահելու են և կէս ճանապարհի վրայ նրանք ձեռնուռնայն մնալու են շարաճ:

ՆՇՈՒՄՈՐ ԱՐԵՆԵԼՔՈՒՄ

Մեր պատկերը հեռու Արեւելի ավերում խորտակող մի շոգեհաւ է, որ հետը

հարեւաւոր հողներ ովկիանոսի անդունդը պիտի տանի: Մի քանի տասնեակ հողի միայն նաւակների մէջ կարողացել են իրանց ազատութիւնը գտնել: Բայց նայեցէք ալիքներին, արդ՞օք այդ նաւակները կարողանալու են պիմագրել նրա ուժգին չորձանքներին:

ՓՈՔՐԻԿ ԶԱՐՈՒՆԻՆ

Արշալոյսն ու Տիգրանուհին աւարտել են արդէն իրանց նախաճաշիկը ու աւելացած ձուածեղը աւել իրանց կատուններին: Այժմ նրանք փոքրիկ Զարուհուն են զբաղեցնում: Գայեակը, որ այդ երկուսին էլ իր կաների վրայ է մեծացրել, պատմում է Արշալոյսին ու Տիգրանուհուն, որ իրանք էլ Զարուհու նման փոքր են եղել և օրւայ մեծ մասը քնած: Նա նորածին մօտեցնում է, որ Տիգրանուհին համբուրէ ու թողնէ, որ օրօրուց գցի նրան:

Սո շ Ր հ ա ն ի դ ա կ

Աղլեանցիապոլ. Ե. Թ.: Այդ տոնը պատասխան է ոչ թէ ձեզ, այլ քիւր հասկացողութիւններով սնւած ձեր մրջյունով մեզ ատղկներին: Տարագի առաջադիմութիւնը կայանում է նրանում, որ նա աստ արածի մեր ժողովրդի մէջ: Կրկնուրեւ, ճոյնիսկ բռնի պէտք է տալի, որ հայր իր գաւկանձութիւնը, իր մտածուր պահէ, պահպանէ: այդ ոչ թէ մեծ օտարութիւն համարում, այլ սրբազան պատք է յորդար են կարգում ձեռնուս անձանց աշակցել մեզ աս ու աս արածիւր Սոջիւր-Տարագի: Տիկին Ս. ին ուղարկեց պէմիսն:

Արդաբիլ. Ե. Գ.: Ձեր պահանջած քողքերն կրսանաւ պոստով, պատիւրած ծւարով:

Ե. Նախիջեան. Ասր.: Ձեզ համակ չըգրեցիմ, անձամբ կրեսնենիմ:

Մեւան. Ե. Թաղ.: Ուղարկել ենի Տարագի № 29-ի հետ. եթէ չէք սացել, շնորհ արեմ, ինչուում ենի հաղորդել: Պոստից սացակամ ունիմ:

Աղլեանցիապոլ. Խ. Վ.: Ուղարկեցիմ:

Սարգեւար. Ա. Թ.: Մշակի խմբագրութիւնը անկարող եղաւ ստուգել: Բարեհաճեցէ՛ք ուղղակի գրել նրանց մանրամասն, երբ էք ուղարկել, ի՞նչ նախապահով: Մեզ եւս դուր է ստուգել: №№ ուղարկեցիմ: Դրամը 8 ր. չըստ ցամից Մշակից, մինչև սոսյ սեղեկութիւն կրսաւ:

Աստրաբան. Գ. Բ.: Տարագի 6 տոնայ բաժանորդակիւր 3 ր., պէմիայով մտրսից սկսած իմն ամուայ համար եւ Սոջիւր տարւայ սկզբից 9 ր.: Պէմիան առանձին հինգ ռուբլիով է վաճառում:

Միլերդ-Միւ. Մ. Օն.: Տարագ ուղարկեցիմ ձեզ № 10-ից: Տար ամուայ համար պէտք է վճարեմ 8 ր. 50 կոպէկ:

Խմբագիր-հրատարակիչ՝

Տիգրան Նազարեան

ԲԱՑԻԱԾ Է Տ Ա Ր Ա Ջ Ի ԿԻՍԱՄԵԱՅ ԲԱԺԱՆՈՐԴԱԳՐՈՒԹԻՒՆԸ

Լ ո յ ո է տ ե ս ն ու մ Տ Ա Ր Ա Ջ Ը շ ա բ ա թ ա կ ա ն երեք թերթ:

ՏԱՐԱՋԻ 6 ամսեայ բաժանորդագիրը (յուլիսից-յունուար 99 թ.) նանապահածախսով



Հասցե՝ Тифлисъ, редакция иллюстр. жур. АГБУРЪ-ТАРАЗЪ կամ Tiflis (Caucase) Réd. des jour. Agbur et Taraz.

ԱՌԱՋԻՆ ՄԱՍՆԱՌՐ ՀԻՒԱՆԴԱՆՈՑ

Բ. ՆԱՐԱՍԱՐԻԵՆԻ

(Վուկիա, Վորոնցովի արձանի հանդէպ)
Հիւանդներին բնորոշում են ամեն օր, բացի կիրակի օրերից:

Ա. Ա. Ա. Օ. Տ. Ե. Բ. Բ.

Բ. Ա. Նաւասարդեան-11-12 ժ. վիրաբուժութեան, վեներական (սիֆիլիս) եւ միզասեռ. հ.

Կ. Մ. Չիկովանի-9-10 ժ. այլի, ներքին նեարդային հ.

Կին-բժիշկ Ա. Ի. Բուրնեկո-10-11 1/2 ժ.: կանանց եւ երեխ. ծաղիկ պատաստում:

Չ. Ի. Տարանասեանց-11 1/2-12 ժ. կ. հ.:

Ի. Փ. Պրոսասեիչ-12-1 ժ. ականջի, կոկորդի, իրի եւ կրծքի հ.

Ա. Պ. Կարապետեանց-1-1 1/2 ժ. ներքին եւ երեխայոց հ.

Ա. Գ. Գուրկո-1 1/2-2 1/2 ժ. ներքին եւ միզասեռական հ.

Ս. Բ. Ե. Կ. Օ. Տ. Ե. Բ. Բ.

Ա. Մ. Փուլիկեան-6 ժ. ներքին եւ երեխայոց հ.

Բ. Ա. Նաւասարդեան-6 1/2-7 ժ.

Ա. Ն. Զպալովսկի-6-7 ժ. նեարդային (եղեկարարութեան), վեներ. եւ մորթի հ.

Տ. Ի. Բուրնեկո հիւանդանոցում իմաստական եւ խոշորացուցական հետազոտութեան ներքին անոթ մեղի, իրի, արեան, կարի եւ այլն:

Վճար 50, կ. չբաւորները ձրի: Համալսարանի (կոնսիլիումի) եւ օպերացիայի համար առանձին:

Հիւանդանոցի վերատեսուչ՝ Բժշկապետ Նաւասարդեան

Անդրկովկասեան երկաթուղի

Մարդասար գնացքների երեւելուքիւն

Table with columns for destination (Կայարաններ), departure/arrival times (Դուրս ե գնում), and fares (Բազու, Սւլախ, Գանձակ, Աղոսաճա, ԹԻՖԼԻՍ, Գորի, Միխայլովո, Բարում). Includes sub-table for 'Դուրս ե գնում' with 'Բազու' and 'Բաթում' columns.

Ծանօթ. Սեւ քաւանները գիշեր են: Թիֆլիս հասնում են գնացքները՝ Բաթումից 8 ժ. 22 ր. երեկ. և 9 ժ. 07 ր. առ., Բազուից՝ 8 ժ. 26 ր. առ. և 6 ժ. 33 ր. երեկ. Թիֆլիսից գնացքը գուրս է գալիս՝ Բաթում 9 ժ. 10 ր. առ. և 7 ժ. 48. եր. Բազու 9 ժ. 05 երեկ. և 10 ժ. 57 ցերեկ.:

Լ ո յ ո ս ե ս ա լ

ԼՈՐՄԱՅ

Գրական հանդիսի 1898 թ. ք. գիրք եւ ուղարկեց բոլոր բաժանորդներին: Բացում է (1899 թ. չորրորդ արի) բաժանորդագրութիւնը. 2 գրքի գինն է 3 ռուբլի: Հրատարակիչ՝ Գիւս ա. Բահ. Աղանեանց

Պայմաններ բաժանորդագրութեան

I Տարագի 6 ամսեայ բաժանորդագիրը յուլիսից մինչև յունուար 99 թ. 3 ր.

II Աղբիւրի տարեկան բաժանորդագիրը յունուար 98-ից մինչև 99 յուն. 3 ր.

III Տարագ մարտից մինչև յունուար 99 թ. Աղբիւր յունուարից Երոմ-Ալմանախ Հայրենասէր Իֆիգենիա պրեմ. } 9 ր.

Զարուհակուտ է սարեկան բաժանորդագրութիւնը

Պատկերազարդ անագրի Ա. Ա. Բ. Բ. Բ.

Նոր բաժանորդները կրտսեան բոլոր յոյս սեասմ №№-ը-յունուարից

Տարեկան գինը 3 ր. (արտասահման 12 Ֆո.) Երոմ-Ալմանախի (101 ժամանակակից և հետաքրքրական պատկերներ) հետ 4 ր.:

Հասցեն՝ Тифлисъ, ред. Агбуры.

Լ ո յ ո ս ե ս ա լ

Ա. Ա. Բ. Բ. Բ. Ա. Ա. Բ. Բ. Բ. 1898 № 1.

Գինն է 2 ր.:

Երկու գրքի բաժանորդագիրն է 3 ր. Գրքի՝ Թիֆլիսկոլեթեան համար Ե. Лалаянцъ, Герусы (Зангезурский у.)

Բաժանորդագրութեան համար Амбардзуму Кармянцъ, Тифлисъ, семнария Нерсисянъ:

Բ Ա Ր Ա Կ Ի Ի Խ Ա Ն Ո Ւ Թ Ոսկէ եւ աղախանի տաւրկաների.

(Գորովիւնսի պրոպագանդ)

Բացում է օպիկ պարսկերի բաժանմունք, նոր ամենագեղեցիկ պէճարների եւ ակնոցների, շինում ուկուց եւ կրիայի սպիտակ: Նոյնպէս պատաստում են ակնարկի պատկերների համաձայն՝ գանազան ակնոցներ եւ փչացածները վերանորոգում: Ծախում են հեռադիտակներ:

Advertisement for 'Վեհափառ Հայրիկի եւ Ամենապատիւ Սրբազան Իգմիր լեանի ճեմապահու վրայ պատկերները վաճառուում են հասցի 10 ր.:' Includes a logo and contact information for 'Գործարար Երմոմ-Նոմ'.

Լ ո յ ո ս տ ե ս ա լ Ա Տ Ր Ա Ե Տ Ի Ղ Ո Ռ — Ե Ղ Ի Կ Վ Ե Կ Ը (Զիրակեցիների կեանքից):

Advertisement for 'Ա. Ա. Բ. Բ. Բ. ՏԱՐԱՋԻՆ կարելի է բաժանորդ գրել Բազում պ. պ. եղբ. Թաուպեանցների գրավաճառանոցում, Բալախանի պ. Աղէքսանդր Արէլեանի մօտ: Արհեստւորներն ու բանուորները կարող են իրանց բաժանորդագիրը վճարել մաս-մաս: